



Broj: 02-05-1-1650 /19
Datum, 15.08.2019.godine

ZAPISNIK

sa 30. sjednice Općinskog vijeća Maglaj
održane dana 15.08.2019.godine u 08,30 sati u sali
JU Dom kulture «Edhem Mulabdić» Maglaj

Dopredsjedavajući, na osnovu člana 59. Poslovnika o radu Općinskog vijeća, zaključaka Kolegija od 06.08.2019.godine, te Programa rada Općinskog vijeća za 2019. godinu otvaram 30. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija SDA-a, SDP-a, SBB, DF, HDZ, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnici Doma naroda Jasminko Kapić i zastupnica u Skupštini ZDK Emira Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozvikom vijećnika utvrdimo broj vijećnika na 30. redovnoj sjednici Općinskog vijeća.

Današnjoj sjednici Općinskog vijeća prisustvuje 23 vijećnik.

Nisu prisutni vijećnici Selma Avdić, Šefka Hasanić, Armin Hrnjić i Josip Jurišić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na sjednicu OV pristupila je vijećnica Selma Avdić, tako da OV radi sa 23 vijećnika.

Obzirom na velike obaveze Predsjedavajuće povodom „Studentskog ljeta“, da prvi gosti već stižu i da Predsjedavajuća kao domaćin ima obaveza, današnju sjednicu će voditi dopredsjedavajući Hajrudin Ferić.

Na današnjoj sjednici izvršit ćemo i verifikaciju zapisnika sa 29. sjednice OV.

Ima li primjedbi? Nema, dajem na verifikaciju zapisnik sa 29. redovne sjednice OV.

Jednoglasno verifikovani Zapisnik sa 29. redovne sjednice OV.

Dopredsjedavajući, otvaram raspravu po pitanju dnevnog reda.

Da li ima prijedloga za proširenje dnevnog reda, izmjene i dopune.

Vijećnica Svjetlana Zamboni, predložila bih jednu malu izmjenu u dnevnom redu za ovu sjednicu, a vezano je za tačke 5 i 6. Predlažem samo izmjenu redoslijeda ove dvije tačke, a u okviru diskusije pokazat će se i razlozi iz kojih razloga se predlaže ova izmjena. Predlažem da tačka 6. Prijedlog Odluke o dodjeli javnih priznanja općine Maglaj za 2019.godinu, postane tačke 5., a tačka 5. Odluka o izmjeni i dopuni Odluke o javnim priznanjima Maglaja da postane tačka 6.

Načelnik općine Mirsad Mahmutagić, predložit ću da se tačka 2. i tačka 3. skinu s dnevnog reda. Na prošloj sjednici Vijeća smo rekli da smo održali sastanak sa predstavnicima Ministarstva, CRS i svih onih koji su učestvovali u projektu CEB II, da bi se na kraju zaokružila kompletna papirologija vezana za taj projekat. Tada smo tražili da donesemo ove dvije Odluke pod tačkom 2 i 3. U međuvremenu smo se iskonsultovali, s obzirom da su odluke slične donesene još 2015.godine, ali da u njima ima određenih stvari koje su kontradiktorne i koje se krše sa zakonom, da ne bi donosili odluku na odluku, predlažem da danas ove dvije odluke skinemo s dnevnog reda, imamo dovoljno vremena da to završimo na slijedećoj sjednici Vijeća. Na slijedećoj sjednici Vijeća ćemo ponuditi izmjene i dopune onih starih odluka, tako da to bude sve u skladu sa terminskim rokovima koji su bili u kompletnom projektu.

Vijećnica Šefka Hasanić, Klub vijećnika SDA predlaže ili pokreće inicijativu da Brifing Načelnika općine između dvije sjednice, kako to sam tekst u sazivu dnevnog reda kaže Brifing Općinskog načelnika između dvije sjednice bude na samom početku sjednice prije prve tačke dnevnog reda.

Vijećnik Hajrudin Ferić, također pripremajući se za ovu sjednicu OV, malo sam gledao ove naše arhive i prethodne sjednice i prethodne zaključke i predlažem da se i tačka 4. skine s dnevnog reda. Odluka o određivanju opunomoćenika za Skupštinu KJD Maglaj iz prostog razloga što smo mi već na 24., 25. i 27. sjednici OV imali te zaključke prilikom usvajanja njihovih Izvještaja, Etičkog kodeksa i Programa i na 27. sjednici jasan decidan zaključak je bio da Predsjedavajuća OV odredi opunomoćenika za Skupštinu KJD sa pismenim nalogom tom opunomoćeniku da glasa onako kako je OV glasalo po ovim prethodnim tačkama. Iz formalnih razloga se pojavila, od viška glava ne boli i neće biti problem da je i skinemo, jer nema potrebe jer smo to jednom već donijeli, decidno određujući da Predsjedavajuća utvrdi i odredi predstavnika opunomoćenika i čak rekli i kako će glasati.

Pauza za Klub SDA

Vijećnik Safet Jašić, što se tiče prijedloga za izmjenu dnevnog reda Klub SDA će prihvatiti skidanje tačke 2 i 3. također tačka 4. Prihvatamo i to da se skine s dnevnog reda. Što se tiče rotacije ovih dviju tačaka, mi bi kao Klub, tražimo da nam se to malo obrazlože razlozi za rotaciju ili ćemo u suprotnom ponovo uzeti pauzu, pa mi doći do nečega ili nećemo podržati dnevni red.

Vijećnica Svjetlana Zamboni, mislila sam u okviru diskusije to reći, radi se o tome da ove izmjene koje su predložene u okviru postojeće odluke, ja sam htjela samo preinačiti, govorim u ime koalicionog bloka da nam je namjera da preinačimo to u nacrt i da izmjene postojeće odluke idu u javnu raspravu, a da se sada nastupa po važećoj odluci. Znači da prvo donesemo Odluku o dodjeli javnih priznanja, ona bilo kakve izmjene na Odluku o javnim priznanjima da nakon ove sjednice u određenom periodu kako se Vijeće odredi ode na javnu raspravu.

Dopredsjedavajući, kad dođu te tačke sigurno će se i pokazati dobrim ovaj prijedlog.

Imamo prijedloge Predsjedavajuće Svjetlane Zamboni, zatim gospodina Načelnika, moj prijedlog i prijedlog Kluba SDA.

Prvo dajem prijedlog Svjetlane Zamboni da se tačke 5 i 6. izvrši rotacija, da 5. postane 6. a 6. postane 5. i da buduća 6. bude Nacrt Odluke o dodjeli javnih priznanja.

Glasalo 14 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik), Edib Delić (SDA).

Glasalo 9 glasova uzdržano: Adis Abdurahmanović, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA).

Drugi prijedlog Općinskog načelnika da se tačke 2 i 3. skinu s dnevnog reda za narednu sjednicu Općinskog vijeća.

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Treći prijedlog Hajrudina Ferića, da se skine tačka 4. Odluka o davanju ovlaštenja opunomoćeniku,

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

Vijećnik Hajrudin Ferić, pročitat ću usaglašen dnevni red

Vijećnica Šefka Hasanić, šta je sa inicijativom Kluba SDA za Brifing?

Vijećnik Hajrudin Ferić, to je inicijativa i ja nisam smatrao, to nije inicijativa kao uvrštavanje tačke dnevnog reda, nego je inicijativa. Ova inicijativa je bila i na prošloj sjednici, 29. sjednici. Jedan od zaključaka je bio da se na Kolegiju o tome raspravlja, da se utvrdi mogućnost itd. i da se eventualno o tome upoznamo. Obzirom da ja nisam bio na sjednici Kolegija, koristio sam godišnji odmor i ne znam, a u prijedlog dnevnog reda toga nema, ja samo podsjećam da bi o tome trebao da se odredi Kolegij OV, donese stav i da Vijeće o tome glasa.

Nakon toga pročitao je izmijenjen i dopunjen

DNEVNI RED

1. Izvještaj o izvršenju Budžeta-Proračuna Općine Maglaj za period 01.01.-30.06.2019.godine;
2. Prijedlog Odluke o dodjeli javnih priznanja općine Maglaj za 2019.godinu;
3. Nacrt Odluke o izmjeni i dopuni Odluke o javnim priznanjima Maglaja;

4. Odluka o dopuni Odluke o utvrđivanju cijene odvoza smeća od pravnih i fizičkih lica;
5. Nacrt Ugovora o prijateljskom okruženju između Općine Maglaj i koncesionara u pogledu eksploatacije uglja i drugih resursa na lokalitetu ležišta uglja Brezove Dane;
6. Odluka o usvajanju Nacrta djelimične izmjene Regulacionog plana „Centar Maglaj – sjeverni dio“;
7. Izvještaj o radu mjesnih zajednica za 2018.godinu;
8. Program rada mjesnih zajednica za 2019.godinu;
9. Informacija o stanju i funkcionisanju mjesnih zajednica;
10. Informacija o kretanju zapošljavanja i nezaposlenosti na području općine Maglaj za 2018.godinu;
11. Informacija o radu privatnih predškolskih ustanova za 2018/2019. godinu PPU koje se sufinansiraju iz Budžeta Općine Maglaj;
 - „Maglajska mala raja,
 - „Dječiji osmjeh“ Maglaj
12. Informacija o radu JU Centar za djecu i odrasle sa posebnim potrebama ZDK za 2018.godinu.

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 1 Izvještaj o izvršenju Budžeta-Proračuna Općine Maglaj za period 01.01.-30.06.2019.godine;

Senada Alibajraktarević, pred vama je Izvještaj o izvršenju Budžeta-Proračuna Općine Maglaj za period 01.01.-30.06.2019.godine. Kao što ste mogli vidjeti u materijalima prihodi i primici u Budžetu/Proračunu općine Maglaj za prvih 6 mjeseci 2019.godine izvršeni su u iznosu od 3.638.613,00 KM i u odnosu na plan Budžeta/Proračuna Općine Maglaj za 2019.godinu za taj izvještajni period procentualno iznosi 82%.

Kada poredimo isti period izvještavanja prošle godine, prihodi i primici u Budžetu/Proračunu Općine Maglaj za prvih 6 mjeseci 2019.godine veći su za 636.000 KM ili 21%.

Kada posmatramo strukturu prihoda i primitaka u Budžetu/Proračunu Općine Maglaj za prvih 6 mjeseci 2019.godine vidjeli ste da porezni prihodi učestvuju sa 1.950.675,00 KM, neporezni prihodi 859.715,00 KM, tekući transferi 711.962,00 KM i kapitalni transferi 116.259,00 KM.

Kada posmatramo rashode i izdatke u Budžetu/Proračunu Općine Maglaj za period 01.01.-30.06.2019.godine oni su izvršeni u iznosu od 3.151.214,00 KM ili u odnosu na Plan sa 71 %.

Kao što ste mogli vidjeti u materijalu tekuća budžetska rezerva je bila planirana u iznosu od 50.000,00 KM i za prvih 6 mjeseci odlukama Načelnika općine Maglaj izvršena je u iznosu od 4.000,00 KM.

Stanje novčanih sredstava na dan 30.06.2019.godine na transakcijskom računu Budžeta Općine Maglaj i na namjenskim podračunima Budžeta/Proračuna Općine Maglaj iznosi 2.137.441 KM.

Napomenula bih da je za ovaj period izvještavanja 01.01.-30.06.2019.godine ostvaren suficit u iznosu od nepunih pola miliona, odnosno od 487.399,00 KM.

Ukoliko bude dodatnih pitanja stojimo na raspolaganju.

Otvaram raspravu

Vijećnik Mirza Bradarić, Klub SDP-a će prihvatiti Izvještaj o izvršenju Budžeta-Proračuna Općine Maglaj za period 01.01.-30.06.2019.godine. Ja ne bih puno polemisao, znamo svi da u prvoj polovini godine punjenje Budžeta je nekako manje nego u drugoj polovini. Mi smo sigurni da će Načelnik do kraja godine, a bit će vjerovatno i punjenje Budžeta i bolje, pratiti i prihode i rashode u onolikoj mjeri koliko to budu mogućnosti dozvoljavale.

Vijećnica Šefka Hasanić, ja bih imala pitanje za Službu. Suficit koji je ostvaren u Budžetu, koja je to vrsta prihoda i da nam se da struktura tih prihoda.

Vijećnik Safet Jašić, Klub vijećnika SDA ne može prihvatiti Izvještaj o izvršenju Budžeta-Proračuna Općine Maglaj za period 01.01.-30.06.2019.godine. Obzirom da smo već kod samog usvajanja Budžeta za 2019.godinu istakli da je Budžet prenapuhan i napravljen politički, prihodi su ostvareni sa 41%, što znači 9% manje od plana i to prije svega zahvaljujući приходima koji su ubrani sa viših nivoa vlasti. Rashodi su ostvareni sa 35%. Iskazan je suficit ponovo 740.000,00 KM, a već smo po ko zna koji put predložili a i stavili primjedbe da se na području općine Maglaj ne rade kapitalni projekti bitni za bezbjednost građana i imovine, posebno kada se imaju u vidu klizišta kojima je opterećena općina Maglaj, te izrada projekata za sanaciju istih puteva itd. Iz tih razloga smo i prošli put odbili planirani Budžet za 2019.godinu.

Stalni su napadi kako sa viših nivoa nema sredstava, a praktično je sve urađeno u Maglaju od sredstava koja su došla sa viših nivoa vlasti, a doznačena sredstva Općina Maglaj čak nije u stanju ni potrošiti. Najveći dio ovoga što se utroši očito je da se troši nenamjenski, a naš zaključak da je to tako, zbog toga što nam se ne odgovara na vijećnička pitanja tokom cijelih sjednica vezano za utrošak sredstava, a koja iz sjednice u sjednicu stalno

ponavljamo. Dobili smo informaciju o pravdanju sredstava sa viših nivoa vlasti, ali nigdje nema strukture u što su utrošena ta sredstva pa i danas tražimo odgovore na postavljena vijećnička pitanja a koja se upravo tiču izvršenja Budžeta sredstava koja ubere Općina Maglaj, svojim angažovanjem iz sredstava koja se namjenski izdvajaju za Općinu Maglaj. Potroše se politički za izgradnju i asfaltiranje puteva koji prije svega služe za pridobijanje glasača, a po nalogima i zahtjevima nezavisnih vijećnika i SDP-ovih aktivista, proširenja uličnih rasvjeta bez projekata za svoje aktiviste isključivo po njihovim zahtjevima. Nadamo se da ćemo bar danas čuti kako je poduzetnička zona u Liješnici izgrađena sredstvima Federacije i Kantona, kako je poduzetnička zona u Misurićima u ovom stepenu gotovosti izgrađena iz sredstava Kantona i Federacije, kako se putevi i mostovi u MZ Jablanica skoro u cijelosti rade od sredstava dobijenih sa viših nivoa vlasti itd. Valjda će se danas reći da se radilo i pored Regionalnog puta Zavidovići-Doboja, na području općine Maglaj rade iz sredstava Kantona, kao i Reg. put Žepče-Maglaj via Novi Šeher-Tešanj itd. Valjda će se danas reći da su klizišta za Grače asfaltirana sa viših nivoa vlasti i da dalje ne nabrajam. Nisu čak potrošena sredstva dobijena sa viših nivoa vlasti za elementarnu nepogodu koja se desila 2018.godine, a koja je zahvatila Jablanicu i neka druga mjesta u sjevernom dijelu općine Maglaj. Ni do danas nismo dobili odgovor kako je to 13.05.2019.godine poplava zadesila Jablanicu, Ulišnjak, Kosovu itd., a valjda nekada dobijemo odgovor ušta su utrošena sredstva od Federacije i Vlade u iznosu od 239.000,00 KM, odnosno ušta su utrošena uplaćena sredstva od ovog iznosa.

Ovaj Budžet nije ni razvojni, ni socijalni. Nažalost razvojni je samo za sredstva koja je uplatila Federacija i Kantonalna Vlada, a socijalni za ono što socijalnu vodi Kanton i Federacija.

Vijećnik Mirza Bradarić, malo me gospodin Jašić zbulio sa ovim čitanjem, možda i njemu neke stvari nisu bile u ovom čitanju jasne.

Ja ću i ovaj put ponovo čestitati gospodinu Načelniku, evo upravo na ovom što je gospodin Jašić rekao. Kažete da su sredstva koja su dolazila iz Kantona, iz Federacije, da je to utrošeno ovdje. Načelnice, čestitam vam, sredstva koja su i prijašnjih godina dolazila i iz Kantona i Federacije kako su ona trošena, pa naravno da će se trošiti. Ali barem mi sad znamo ušta se ova sredstva troše. Da budem iskren, u prethodnih 13 godina nismo znali uopšte ušta se troše ta sredstva. I to je jedan dokaz transparentnosti i Načelnice ponovo vam čestitam.

Vijećnica Svjetlana Zamboni, nisam se mislila javljati za riječ, ali ne mogu da ne reagujem na izlaganje predsjednika Kluba SDA. Slično kao što je rekao i predsjednik Kluba SDP-a i ja smatram da sva sredstva koja se uspiju obezbjeđiti sa bilo kojeg višeg nivoa vlasti zapravo su rezultat intenzivnog rada lokalne administracije. Zahvaljujući sili tih sastanaka koje vidimo u medijima da se odvijaju svakodnevno, kontakata koje ostvaruje Načelnik općine sa svojim suradnicima, vjerujem da je to rezultat njihovog rada i čisto sumnjam da se nas neko sjeti tek tako na nekom višem nivou. Smatram da sva ta sredstva koja dolaze sa viših nivoa vlasti su tražena na određene načine i realizovana na način kako jeste prikazano u Budžetu.

Vijećnik Safet Jašić, replika – naravno da je dobro i ja bih volio da duplo više sredstava dođe sa viših nivoa. Međutim, kad se sredstva trebaju da utroše, ne pominju se viši nivoi vlasti, čak se ne pominje ni Općina Maglaj, nego se to koristi u neke druge potrebe, a nema niko ništa protiv, da bogda sve dupla cifra bila odozgo što se tiče Kluba SDA. Mi smo za to da što više sredstava dođe odozgo. Za sredstva se treba boriti ali i treba kazati za svaki objekat iz kojih sredstava je napravljen. Napravio ga je neko, napravila ga je neka politička partija, nije ni Općina Maglaj, ni Vlada Federacije, ni Kantona, nego je neko drugi napravio. To je problem u protekle 2,5-3 godine ili koliko već ima koje se stalno ponavlja i na dobijemo tamo u ciframa koliko je koja vlada dala, je li to Federalna ili Kantona itd. Ništa drugo nije problem, dobro je da sredstva dolaze i da se tako prezentuje i građanima i tamo gdje se radi.

Vijećnik Elvir Vehabović, po prvi put čujem ovdje da stranke nešto prave i nešto grade. To što je napravljeno i urađeno, napravljeno je i urađeno zahvaljujući novcu koji se slijeva u raznorazne budžete. Znači, nema te stranke koja može nešto izfinansirati, napraviti i uraditi.

Vijećnica Svjetlana Zamboni, samo još jedno podsjećanje, vi se sjećate da smo mi ove godine usvajali Plan kapitalnih investicija, te da je ovo Vijeće donijelo odluke u kojem pravcu će se određena sredstva trošiti i naravno namjenska sredstva su namjenska sredstva, ali ono što uspijemo dobiti i što se uspije prikupiti ovdje, troši se po planu koji smo na neki način mi ovdje usvojili i dali im određenu dinamiku.

Senada Alibajraktarević, vi ste u materijalima dobili detaljno obrazloženje po ovom Izvještaju o izvršenju Budžeta-Proračuna Općine Maglaj za period 01.01.-30.06.2019.godine. U obrazloženju ste vidjeli prihode i primitke, obrazložila sam strukturu prihoda i primitaka, samo bi još jednom napomenula kod utroška sredstava i kod pribavljanja sredstava. Imate porezne prihode, navedene sve vrste poreznih prihoda iz čega se sastoje, koliko su utrošeni u prvih 6 mjeseci. Zatim imate naplatu prihoda od neizravnih indirektnih poreza u 2019.godini, za 6 mjeseci i ukupnu naplatu. Zatim imate neporezne prihode, imate tekuće transfere i donacije, znači gdje je detaljno obrazloženo sve što se nalazi u ovom Izvještaju. Zatim imate sva razgraničenja i razgraničene prihode od Vlade Federacije, zatim imate sva novčana sredstva i od svih Ministarstva i sve odluke i sve namjene za koje se trebaju utrošiti i za koja su utrošena do 30.06.2019. godine. Zatim, imate razgraničene prihode od ZDK i sve taksativno navedeno od čega se sastoji 274.808,00 KM i po ministarstvima po kojoj odluci su navedeni, zatim imate kapitalne transfere od čega se sastoje, bruto naplatu javnih prihoda na području općine Maglaj kao i strukturu svih rashoda, izdataka i finansiranja za prvih 6 mjeseci. Tekuću budžetsku rezervu sam već spomenula u ovom Izvještaju. Imate

i odluke Općinskog načelnika koje se odnose na trošenje 4.000,00 KM, zatim imate obaveze, razgraničenja, potraživanja i plasmane sve po strukturi od čega se sastoje, na koga se odnose, zatim imate potraživanja, strukturu potraživanja i imate koeficijent likvidnosti i ukratko zaključak Službe.

To je sve što se tiče oko namjenskog utroška ili ne utroška namjenskih i izvornih prihoda Općine, a vjerovatno će i Načelnik detaljno još pojasniti neke stavke po ovim postavljenim pitanjima.

Što se tiče konkretnog pitanja za suficit, prema Zakonu o Budžetu to je ekonomska kategorija i ona nema vrstu prihoda, nego je ona razlika između ostvarenih prihoda i primitaka i rashoda i izdataka u izvještajnom periodu. Ja sam napomenula da se u ovom periodu izvještavanja taj ukupan suficit iznosi 487.399,00 KM, a odlukama se on donosi po donošenju godišnjeg obračuna u što će se trošiti. Znači, on ni u jednom izvještaju nema vrstu prihoda, niti je može imati. On može samo biti kod donošenja Budžeta bilo kojeg Budžeta, jedna procijenjena kategorija za naredni period izvještavanja.

Vijećnica Šefka Hasanić, iskazan je suficit u ovom periodu izvještavanja, da li su to vlastiti prihodi Općine ili su prenos sredstava s viših nivoa vlasti, odnosno neutrošena sredstva po prenosu s viših nivoa vlasti. Jel to konkretnije pitanje da nam se odgovori?

Senada Alibajraktarević, prema Zakonu o Budžetima Federacije BiH, namjenska sredstva planirana sa viših nivoa vlasti se u Budžetu općine Maglaj planiraju i na prihodovnoj i na rashodovnoj strani. Tako da bilo koja namjenska sredstva, bilo s kojeg višeg nivoa vlasti ne mogu izazivati suficit niti ga stvarati.

Načelnik općine, hvala gospođici Alibajraktarević, ja razumijem kad je neko opozicija mora napadati i iznositi svoje argumente iako to nisu argumenti nikakvi, nisu tačni, a pogotovo nisu pismeni argumenti. Ostvareni prihodi, strukture itd. imate u Izvještaju sve vam piše tačno koliko su koji prihodi i to je gospođica Alibajraktarević objasnila, ja nemam potrebe da objašnjavam.

Dalje naveli ste da se ne rade kapitalni projekti, pa prvi put smo usvojili Plan kapitalnih investicija, što nikad prethodna vlast nije uradila, sad imate plan kapitalnih investicija. Pratite po planu kapitalnih investicija šta se radi na terenu i sve će vam biti jasno. Nemojte zaboravljati barem ovo što je unazad 6 mjeseci ili godinu, prisjetite se toga. Dakle, Plan kapitalnih investicija to vam piše i za poslovnu zonu i piše vam iznos sredstava. Evo kad ste pitali za poslovnu zonu i Federalni nivo i Kantonalni nivo i općinski nivo i svi smo učestvovali u finansiranju. I šta je tu čudno? Kakve bolan političke partije rade? Ne rade, radi zakonodavna vlast i radi izvršna vlast. Kakve stranke? Ja znam da je prije bio običaj dala ti SDA, dao ti Načelnik, nije bolan. Pare su budžetske, a rade i jedan i drugi nivo vlasti. Zakonodavni u svom domenu, izvršna vlast u svom domenu. Dalje, nikakvi novci budžeti, ni općinskog, ni kantonalnog, ni federalnog, ni državnog nivoa nisu ničija čačevina. To su državni novci. Ti novci koji dođu sa viših nivoa dođu po projektima i dođu po usvojenim raspodjelama pojedinih ministarstava i tako dobije i Općina Maglaj. Ja znam da biste vi iz SDA voljeli da u Maglaj ne dođe ništa i zbog toga vam se rukovodstvo u Maglaju bori da Maglaj ne dobija projekte, to vam mogu potvrditi argumentovano, ako želite ali ničija čačevina nije. Mi smo ponosni na ove projekte koji su nam prošli i na kantonalnom i na federalnom nivou i nadamo se i novim projektima. Imali smo neki dan informaciju, bio nam je Ministar Martić tu pa smo potpisali novi ugovor od 100.000,00 KM, nije donio ministar Martić privatan novac, donio je novac Ministarstva. Ja mu se zahvaljujem kao ministru koji zaista kvalitetno podržava općinu Maglaj.

Famozni mostovi, ne znam što ste ljudi ljubomorni na mostove, što ih niste pravili prije. Most kod Bajrića je iz sredstava CZ Kantona i nije nikad završen, a pare uzete. Ostali mostovi Općina Maglaj najvećim dijelom, bilo je tu sredstava Općine Tavnik, nešto što su nam donirali oko 20.000,00 KM za sanaciju, to ste imali u Izvještaju. Nemojte reći da nemate informacije, imate Izvještaj koji usvajate. U svakom Izvještaju, imali ste izvještaj i za javnu rasvjetu i za infrastrukturu, za higijenu i za sva održavanja pisalo vam i odakle vam da danas slijedeću sjednicu nakon izvještaja kažete nemate, pa imate.

Klizišta za Grače ko je radio? Totalno neznanje, dakle Općina Maglaj sa UNDP-em. Projekat sa UNDP-i i završeno klizište. Ostao je još jedan mali dio da se uradi i to je nešto o čemu vodi računa UNDP-i, ne Općina Maglaj. Mi smo svoj dio sredstava uplatili na račun UNDP-i, oni su izabrali izvođača, oni vode aktivnosti oko sanacije, nema tu nikakvog mudrog slova i ne znam zašto bi to neko krio. Ne znam odakle informacija nisu utrošena sredstava iz 2018.godine namijenjena za poplavu. Neću ni komentarisati to.

Uglavnom niste se dotakli ključnih stvari, realizacija Budžeta 2019. godine za izvještajni period je bolja i veća nego što je bila za 2018.godinu. Na kraju godine ćemo vidjeti stvarno stanje. Ono što treba očekivati u Budžetu veći priliv, to je komunalna naknada. Znae da smo donosili određene odluke u prvoj polovini godine i tek rješenja idu prema obveznicima, tako da ćemo taj najveći dio prihodovati u drugoj polovini godine. Ono na čemu još radimo, borimo se da povećamo to su i poreski i neporeski prihodi Općine Maglaj i nadamo se da ćemo u tome i uspjeti. Kad pomenete suficit očigledno je da ne baratate pojmovima. Trenutno na pripremi fakturisanja radi gospođa Hatičić negdje oko 700.000,00 KM će biti prihodovano. 350.000,00 KM je poslovna zona u Liješnici bit će fakturisani, oko 350.000,00 KM Poslovna zona u Liješnici sa tri nivoa. Imamo ugovor koji je rađen po terenu, sad nakon godišnjih odmora su podvukli refu, završavaju građevinske knjige i bit će fakturisano dodatnih 400.000,00 KM, to je ta razlika i to govori o tome da vodimo računa i o prihodima i o rashodima.

Dopredsjedavajući, zaključujem raspravu i dajem na glasanje

Z A K L J U Č A K

1.1. Usvaja se Izvještaj o izvršenju Budžeta-Proračuna Općine Maglaj za period 01.01.-30.06.2019.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik).

Glasalo 10 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA) .

AD – 2 Prijedlog Odluke o dodjeli javnih priznanja općine Maglaj za 2019.godinu;

Nermina Krzić, predsjednik Komisije za dodjelu javnih priznanja za 2019.godinu.

Komisija je dobila 11 koverata, vi ste dobili u pisanoj formi sve detaljno, od tih 11 je :

1. MZ Ulišnjak, predložili su – Sulejmana Hercega – posthumno za „Grb Maglaja“
2. MZ Oruč, predložili su -
 - Mustafu Mašića za „Maglajsku lentu“
 - Mehu Kovačevića – „Grb Maglaja“
3. JU Gimnazija „Edhem Mulabdić“ Maglaja predložili su – Mensuru Smajić – „Maglajska lenta“ ;
4. Mještani MZ Domislica predložili su – Mustafu Bešića „Zahvalnica Maglaja“;
5. OOSDA Klub vijećnika SDA predložio je – Sulejmana Hercega – posthumno za „Grb Maglaja“;
6. Delić Fikret i Edin Hadžić predložili su - Bašić Himzo zv. Trošo – ostavili Komisiji da odluči koje priznanje;
7. Načelnik općine Mirsad Mahmutagić – predložio je :
 - Škola rukometa RK „Maglaj“ – „Zahvalnica Maglaja“
 - MZ Jablanica- Zijad Hrnjičić – „Zahvalnica Maglaja“
 - Selim Ibrahimfendić – „Grb Maglaja“
 - Šefkija Botonjić – Počasni građanin Maglaja
8. Udruženje ABNOAR-a predložili su – JU MSŠ Maglaj – „Grb Maglaja“
9. Udruženje ABNOAR-a predložili su – Amir Smajlagić – Počasni građanin Maglaja
10. OODF Maglaj predložili su:
 - Hajdar Arifagić – Počasni građanin Maglaja;
 - Salim Ibrahimfendić „Grb Maglaja“ ili „Zahvalnica Maglaja“
11. Smajo Šahman predložio je – Ramadanović Behaudin – Zaslužni građanin.

Komisija je razmotrila sve prijedloge i utvrdila da dva prijedloga koji su došli za dodjelu javnog priznanja Sulejmanu Hercegu - posthumno, došla od strane MZ Ulišnjak i OOSDA Klub vijećnika SDA. Po članu 5. stav 3. Odluke o dodjeli javnih priznanja istom licu ili instituciji ne može se dva puta dodijeliti, može se dodijeliti samo jedanput. S toga je na osnovu svih ovih prijedloga Komisija donijela Odluku i dala prijedloge da se:

1. „Grb Maglaja“ dodijeli Salim Ibrahimfendić;
2. „Plaketa Maglaja“ Šefkiji Botonjiću;
3. „Zahvalnica Maglaja“ JU MSŠ i Škola rukometa „Maglaj“ ;
4. „Maglajska lenta“ da dobiju Bašić Himzo zv. „Trošo“ , i Smajić Mensura; i
5. „Počasni građanin Maglaja“ Hajdar Arifagić,

U pisanoj formi ste dobili za sve ove prijedloge obrazloženja o pojedincima i ustanovama, zbog čega su dobili ova priznanja. Slijedeće što je Komisija razmatrala pošto je dosta pojedinaca bilo predloženo za priznanja i radom mjesnih zajednica, dali smo prijedlog zaključka da Komisija predlaže Općinskom vijeću Maglaj da se donese Odluka o izmjeni i dopuni Odluke o javnim priznanjima Maglaj, da se doda novi član odnosno nagrada „Zahvalnica za doprinos pojedincima u mjesnim zajednicama za učešće u radu i afirmaciji mjesne zajednice“.

Ukoliko Općinsko vijeće donese Odluku o izmjeni i dopuni Odluke o javnim priznanjima Maglaja, Komisija predlaže Općinskom vijeću da nagradu:

b) „Zahvalnica za doprinos pojedincima u mjesnim zajednicama za učešće u radu i afirmaciji mjesne zajednice“ dodjeli slijedećim pojedincima:

1. Mustafa Bešić,
2. Zijad Hrnjičić,
3. Meho Kovačević.

Dobili ste obrazloženja za sve pojedince koje su predložili. Pošto dosta ima pojedinaca, ni jedan prijedlog nije došao bez razloga, svi su to pojedinci koji imaju nekakvu zaslugu za rad i doprinos u ovome gradu, po meni da Općinsko vijeće treba to da razmotri i vidi opravdanost, pa na vama je.

Otvaram raspravu

Vijećnica Svjetlana Zamboni, zahvaljujem se na iscrpnom izvještaju o radu Komisije. Ja ću govoriti u ime koalicionog bloka, sasvim je očigledno da je pred vama bio težak zadatak s obzirom na silu pristiglih prijedloga i slažem se s vama da su to sve pojedinci ili institucije, pravna lica koja zaslužuju da dobiju određeno priznanje na Dan općine.

Prije svega, vidjeli smo u samom materijalu da je Načelnik općine predložio određene kandidate za javno priznanje, pa u skladu s tim ja bih predložila jednu izmjenu u okviru Odluke o dodjeli javnih priznanja Općine Maglaj za 2019.godinu i to kako slijedi:

Na sugestiju Općinskog načelnika, dodijeli Salimu Ibrahimfendiću Grb Maglaja kako i stoji u prijedlogu.

Plaketa Maglaja da se dodijeli gospodinu Hajdaru Arifagiću, a da se počasni građanin Maglaja proglasi gospodin Šefkija Botonjić.

S tim u vezi Plaketa Maglaja dodajem još jednu izmjenu nevezano za Načelnikovu sugestiju jeste da se Plaketa Maglaja dodijeli i JU MSS.

Zahvalnica Maglaja Školi rukometa „Maglaj“, a Maglajska lenta Bašić Himzi zv. „Trošo i Smajić Mensuri.

Nadam se da i predlagači ovih priznanja da su pažljivo propratili, pa da mogu kazati nešto o tome. To je prvi prijedlog.

Kako sam i rekla Komisija je stvarno imala težak zadatak, bilo je teško odabrati tek nekoliko pravnih ili fizičkih lica kojima se mogu dodijeli naša javna priznanja. Nažalost naša postojeća Odluka koja je na snazi ne daje nam mogućnost da nagradimo i određene pojedince za njihov doprinos i razvoj društvene zajednice, dakle iz tog razloga ja bih predložila jedan zaključak Općinskom vijeću, a to je da u 2019.godini Općinsko vijeće Maglaj donese Odluku o dodjeli posebnog priznanja općinskog vijeća Maglaj pojedinaca za učešće u radu i afirmaciji mjesne zajednice ili udruženja građana. To je prijedlog broj 1. To govorim samo za ovu godinu, a drugi prijedlog je da mi predložimo da to bude novčana nagrada i da bude u skladu sa mogućnostima našeg općinskog Budžeta, obzirom da bi ovo bilo posebno priznanje.

Pod tri, obzirom da je ovo prvi puta da se ovako priznanje dodjeljuje pojedincu predlažem da slijedeća četiri pojedinca dobiju priznanje za ovu godinu i to: Bešić Mustafa, Kovačević Meho, Hrnjičić Zijad i Mašić Mustafa.

Ukoliko mi dozvolite ja bih odmah se nadovezala i na samu Odluku o kojoj smo govorili, ove izmjene koje bi išle u nacrtu, vezano za narednu tačku dnevnog reda, postojeću Odluku o javnim priznanjima predlažemo da se stavi u javnu raspravu, jer prijedlozi koji pristižu svake godine svakako ukazuju da je vrijeme da ona pretrpi određene izmjene o čemu će sigurna sam imati šta reći i naši građani i udruženja i institucije i ustanove koje inače i predlažu za određene kategorije. Već sad se vidi da ona ne zadovoljava potrebe kojoj treba da služi.

Vijećnik Hajrudin Ferić, Sve ću isto možda reći kao i predsjedavajuća samo na drugačiji način, ali da skratim. Želim da kažem da podržavam sve ove prijedloge, tu na neki način i saglasnost na ove permutacije i prijedloge prihvatamo ovu vrstu kompromisa i prihvatit ćemo i prijedloge i ova rješenja za posebno specijalno priznanje ove 2019.godine za ove aktiviste po mjesnim zajednicama, udruženjima građana itd. Samo želim da napomenem da je zaista više neophodno i da je ovo korektan stav i da bi trebalo jednoglasno da donesemo, da idemo u narednim mjesecima u jednu široku javnu raspravu o novoj odluci o javnim priznanjima. Zašto, zato što ova postojeća zaista omogućava, nudi, daje mogućnost da se različito tumače odredbe i članovi, neko čita samo članove 6,7,8 i 9, neko čita članove 2,3,4 pa ih povezuje i onda naravno na osnovu nekog našeg ličnog kantara vagamo svačiji doprinos. Najteže stvar je kad govorimo o ljudima, ni jedna osoba ovdje ne može se za nju reći da nije zaslužila priznanje. Zaista jest kad bi različito tumačili ove odluke. Zato nam treba zbog digniteta i ljudi koji se predlažu i zbog same odluke i samih priznanja koja mi imamo ovdje treba da napravimo nešto što je preciznije, jasnije sa jasnim kriterijima, sa jasnom procedurom da ne dolazimo u situaciju da se kockamo i igramo s ljudima. Ja ću reći otvoreno primjer, mi imamo prijedloge za „Zlatnog ljiljana“ da dobije priznanje, naravno da nema višeg priznanja i nema osobe koja će reći da to nije zaslužio imenom i prezimenom konkretno ove godine Himzo Bašić, heroj, borac, „Zlatni ljiljan“ itd. U isto vrijeme mi smo bili u dilemama da li dodjelom općinskog priznanja da li se možda na određeni način i degradira to najviše vojno i državno priznanje „Zlatni ljiljan“ time što mu se daje. Samo postavljanje ovako logičnih pitanja može nas sve dovoditi u neugodnu situaciju, a isto tako kad su u pitanju aktivisti ovi u mjesnim zajednicama zaista ima ljudi, ja gledam i gospodina Žarka Iličića tu, ima i Safet, Edo, po drugim mjesnim zajednicama, Zijo Hrnjičić, Mašić koji u Oručama radi već decenijama čudo, svi oni zaista zaslužuju određena priznanja, ali u određenoj kategoriji. Dajte da ovo shvatimo ove godine i kao jednu vrstu kompromisa, kao jednu vrstu priznanja i da donesemo odluku koja će na pravi i adekvatan način valorizovati vrijednosti ljudi koji daju doprinos, a mi možda i ne vidimo i ne primjećujemo itd. Uglavnom zaključak je da podržavam vaše prijedloge.

Vijećnica Svjetlana Zamboni, ja ću ponoviti ono što sam rekla i na Kolegiju OV. I među nama ovdje sjede priznati predstavnici mjesnih zajednica ljudi koji vrijedno rade i doprinose. Ono što je jako bitno da se zna i što vjerujem da javnost zna jeste da je to volonterski rad. Da ti ljudi nisu nagrađeni na određeni način za ono što rade i koliko i svoga privatnog vremena i truda ulažu u razvoj tih lokalnih zajednica. Između ostalog želim da naglasim da tu ima i ljudi koji vode i različita udruženja, ali opet s druge strane nam naša postojeća Odluka ne dozvoljava da nagradimo pojedinca nego samo udruženje ili samo mjesnu zajednicu.

Ja vas molim prihvatajući ovakav prijedlog zaključka za 2019.godinu svi zajedno kažemo da ti ljudi zaslužuju priznanje, da ti ljudi zaslužuju da budu nagrađeni na određeni način i da se potrudimo da u javnoj raspravi koja će uslijediti po pitanju ove odluke o javnim priznanjima damo svoj doprinos da i njima ostavimo mjesta za svaku godinu da budu nagrađeni i da budu dio onoga što je i najsvetčaniji momenat na području općine Maglaj, to je Svečana sjednica koja se održava 18.sepembra.

Vijećnik Edib Delić, Klub vijećnika SDA je razmatrao ponuđenu Odluku o dodjeli priznanja Općine Maglaj i mi ćemo svoj stav iznijeti kasnije, a ja sam izašao da kažem lični svoj stav kad je u pitanju ova Odluka.

Ova stara odluka i na neki način podržavam njenu izmjenu ukoliko se dogovorimo i onako kako bude predlagatelj predlagao. Ono što sam se ja zalagao u svom klubu unazad dvije tri godine, a kao vijećnik imam pravo da iznesem svoje mišljenje, tamo sam probao forsirati da stavimo moratorij na ovu Odluku u trajanju od 5 godina. Obrazložiti ću zašto.

Znate i svjesni ste svi da iz godine u godinu imamo različita mišljenja i različite prijedloge pa kad ne možemo onda nađemo kompromis, pa se za pojedine ovdje javna priznanja nađe kompromis pa se predlože i dva kandidata za određeno javno priznanje, pa se to povećavanja iz godine u godinu, pa se nekad i pogriješi, a ovaj moj prijedlog koji sam ja iznio na Klubu evo iznosim i zvanično da probamo to malo zaustaviti da bi dobili što kvalitetnije kandidate kad su u pitanju ove pojedine nagrade. Međutim, nisam naišao na odobravanje u svom klubu, možda neću ni ovdje, ali imam pravo da iznesem svoj stav i svoje mišljenje. Kad je u pitanju, sad me zbunila dodatno predsjednica komisije sa onim svojim zaključkom kad su u pitanju pojedinci mjesne zajednice, udruženja i sve ostalo. Ovu tačku smo prebacili poslije ove s ciljem izmjena i dopuna, e sad me zanima da li ovaj zaključak Komisije ostaje kao sastavni dio Odluke? Ako ostaje, smatram da je protupravno, prvo trebamo donijeti izmjene i dopune Odluke, pa onda uvrstiti ovo kao prijedlog. Ne znam vidjeću kako će mi se dati odgovor i predlažem ako prođe i ovaj zaključak komisije da se nagrade ne daju pojedincima, nego da se daju onim organizacijama i mjesnim zajednicama iz kojih dolaze. Ja radim u mjesnoj zajednici već 12 godina i ne radim da kažem za neki novac i za priznanje, ako je moja mjesna zajednica sa mojim radom i svim ostalim zaslužila da dobije priznanje neka to ide na mjesnu zajednicu, a ne lično. To je moj prijedlog, da li će biti prihvaćen ili neće. Volio bih znati da li je ovaj zaključak sastavni dio ove odluke, pa ćemo poslije ovoga donijeti zaključak o konačnom glasanju.

Nermine Krzić, zbog predloženih pojedinaca, Komisija je sama dala sugestiju, mi smo samo dali sugestiju za pojedince i dali vama Općinskom vijeću za pravo, mi nismo ništa mijenjali ni dodavali. Mi smo na osnovu pristiglih prijedloga pojedinaca, dali prijedlog da se proširi. Idemo u 21 vijek, treba dati podsticaj ne samo centrali nego i mjesnim zajednicama i svjesni da grad sastoji se od mjesnih zajednica, ako one ne rade, neće nam raditi ni centrala, ni grad. Prema tome, dali smo samo podsticaj pojedincima i vama vijećnicima da odlučite o ovom našem prijedlogu. Ovo je naš prijedlog kao Komisije, tako da je to na vama. A što se tiče ovih drugih nagrada, mi smo to donijeli i to zvanično stoji. Na vama je šta ćete dalje da radite. Ja tu upliva dalje nemam. Što se mene tiče za pojedince, ja sam i u komisiji rekla svi koji su ostali u gradu za mene su i oni što su nosili pušku i oni što nisu nosili pušku su za mene heroji, znači što se tiče samog grada. Za pojedince jedino cijenim ljude koji su nešto uradili za ovaj grad. To je moj lični stav nezvezano za Komisiju, a na vama je na Vijeću da odlučite o pojedincima i mjesnim zajednicama.

Vijećnica Svjetlana Zamboni, ja ću ispred OV kazati kad smo usvajali dnevni red, dakle usvojili smo redoslijed javna priznanja, a u svom izlaganju ja sam rekla da se nadovežem na drugu tačku dnevnog reda kada sam govorila. Tačka dnevnog reda se zove Nacrt Odluke o izmjeni i dopuni Odluke o javnim priznanjima, dakle samim tim smo usvajajući takav zaključak eliminisali i ovo što je gospođa predsjednica Komisije izložila.

Vijećnik Safet Jašić, slažem se gospođa je obrazložila ispred Komisije za dodjelu ovih nagrada. Međutim, i ranije u staroj Odluci su bile upravo ovo što je Edo govorio i ja se slažem sa njim u potpunosti, bile su mjesne zajednice, nisu bili pojedinci. Pojedine mjesne zajednice su dobivale te nagrade, između ostalih i moja mjesna zajednica je dobila nagradu i naravno da se ponosim, još je bilo nekih mjesnih zajednica.

Nije tačno da nam ova odluka stara ne dozvoljava da se predlažu i da dobijaju nagrade ljudi iz mjesnih zajednica, ako ćemo realno razmišljati sve je općina Maglaj od Kopica pa do Kosove itd. Što mi uopće pominjemo mjesne zajednice i predstavnike, odnosno aktiviste mjesnih zajednica. Nema potrebe, nema se prostora po staroj odluci da se predloži aktivista iz mjesne zajednice. Nije tačno, pozadina je sasvim nešto drugo i nemojte nakaradno praviti odluku i o izmjeni, ja ću uzeti pauzu za Klub SDA, kad je sve u staroj Odluci postojalo i sve je bilo regularno. Da nema mjesne zajednice, taj pojedinac ne bi bio ni predsjednik mjesne zajednice i mi to radimo s voljom, željom da poboljšamo stanje u mjestu gdje živimo i bože moj ako nas neko prepozna kao mjesnu zajednicu da dobijemo nagradu, hvala i naravno ako prepozna nekog i kao pojedinca koji radi u mjesnoj zajednici i to se slažem, ali sva ova izlaganja kako su zapostavljene mjesne zajednice, odnosno pojedinci, nije tačno. Ja smatram da svih 20 i nešto mjesnih zajednica je općina Maglaj isto kao i grad i da ravnopravno mogu da apliciraju, odnosno da građani predlažu da pojedinac predlaže kako se i ovdje događa a ne na ovaj način kao što je to predloženo u ovoj izmjeni, ne znam kako će se završiti sa njom. Slažem se sa gospodinom Fermićem, pa sramota je da „Zlatni ljiljan“ dobije Maglajsku lentu. To je najniže priznanje općine Maglaj, ako je „Zlatni ljiljan“ najveće priznanje. Za najveće priznanje općine treba da ide. Sramota je ovo i zaista nije u redu. Mi znamo ko je Himzo Bašić Trošo, šta znači „Zlatni ljiljan“ i šta je on doprinio u ratu '92-95. Nije u redu, ovo je diskriminacija i „Zlatnog ljiljana“ i

predstavnik i aktivista u mjesnim zajednicama, jer ste dobro podijelili grad i mjesne zajednice sa ovim što ste iznijeli do sad i što sam ja čuo u diskusiji. Poslije ovoga klub SDA će uzeti pauzu.

Vijećnik Hajrudin Fermić, da odgovorim na dilemu gospodina Delića koji kaže da li je ovo formalno pravno ako bi se usvojilo. Komisija je nama ovdje dostavila prijedlog, mi donosimo odluku kakvu mi hoćemo i mi je utvrđujemo i mi o njoj raspravljamo kakva će biti imamo već dva, tri prijedloga. Mi smo ti, nije Komisija koja je već donijela Odluku i koju mi ne možemo, nemamo pravo.

To je bila tvoja dilema, tvoje pitanje. Mi smo ovdje, mi možemo to sve prihvatiti, možemo pretumbati, možemo vratiti itd.

Drugo, nije tačno gospodine Jašiću, evo opet se vraćamo na ovo, ovo vaše razmišljanje i razmišljanje predlagača po bilo kom osnovu se razlikuje. Znaete zašto? U tumačenju ove postojeće odluke. Ponavljam, pogledajte i pročitajte članove 2 i 3. ove Odluke i vidjet ćete da ona sukcesivno kaže to, to i taj i taj može dobiti, ti, ti i ti ljudi pa u stavu slijedećem 3. kaže : a koji pored toga iz stava 2. i 3. su doprinijeli tom i tom. I onda naravno ide pod članom 6,7,8 i 9. itd. koji govore ko ima pravo Grb, ko ima pravo Plaketu itd. Na komisiji je ja to znam, zato što imam predstavnika političke stranke u toj Komisiji, zaista bio težak posao, a u isto vrijeme uprt ćemo prstom u bilo koga da kažemo e taj nije zaslužio ko je predložen. Trebamo razumit komisiju, dovodimo sebe u situaciju, da imamo različite komentare i stavove, a šta je pravimo kompromis. Zaslužuju svi ljudi, pravimo kompromis ove godine i kažemo idemo da poboljšamo, pojačamo, preciziramo ovu Odluku koja omogućava različita tumačenja, idemo da je napravimo. I to je jedna od mogućih varijanti da kažemo hajmo stat. Ali hajmo prvo u jednu široku raspravu koja će trajati 3-4 mjeseca, da pokušamo izvući kvalitetnu Odluku, ako ne uspijemo, da donesemo Odluku e nećemo dati za naredne tri godine više ni jedno priznanje, neka se malo ohladi, ali neko će i poslije nas opet morati tu odluku da provodi i opet će doći u istu situaciju, jer je treba precizirati, doraditi i promijeniti.

To je neki dobar, odličan, korektan i na kraju krajeva pomirljiv prijedlog koji je iznijela Predsjedavajuća.

Vijećnik Fikret Delić, ja se ne slažem sa kolegom Fermićem, što se tiče nije trebao ovdje pominjati gospodina Trošu, nije trebao ovdje spominjati njegov Ljiljan. Mi svi znamo čitava općina Maglaj kako je gospodin Himzo Bašić zv. Trošo dobio Ljiljana i znamo svi u kakvom je stanju. Žalosno je, sramota je da on do sad nije dobio bilo kakvu nagradu općine Maglaj. Ljiljan mu nije dala općina Maglaj, nego je znamo ko mu je dao. I ovdje on kaže Trošo ima ovo, ono. Da li je to problem što je Edin Hadžić zamolio me došao i pitao da li može se šta učiniti. Razgovarao sam i zahvaljujem se Općinskom načelniku Mirsadu Mahmutagiću koji je pomogao, zahvaljujem se Komisiji koja je sve to uzela u obzir i da je na ovom prijedlogu u ovoj Odluci nalazi se gospodin Himzo Bašić zv. Trošo. Ali o tome nije trebalo uopšte ovdje na vijeću raspravljati jer ja smatram, a 90% građana općine Maglaj da je to Himzo Bašić zaslužio. Mnogi koje sam ja do sad dizao ruke, a ne znam te osobe, a Himzu Bašića zna čitava općina Maglaj. Znači ja sam dizao ruku za osobe koje ne znam, a vjerujem i vama i našem bloku da su oni to zaslužili i ne vidim ja razloga da uopšte se ovdje raspravlja o Himzi Bašiću.

Vijećnik Hajrudin Fermić, replika – vrlo opasna konstrukcija gospodine Deliću s vaše strane malo prije iznesena. Vrlo opasna, mislim da nije u redu i da svakako ovo zaslužuje sva ova naša rasprava o priznanjima zaslužuje da se čuje putem medija, da se čuje putem web stranice i na kraju krajeva i na sve druge načine, šta je ko, kako i na koji način izgovorio i mislim da je to dovoljno da svi vide koliko je to opasna konstrukcija s vaše strane.

Vijećnik Safet Jašić, ja ne znam šta je moja diskusija pokvarila ugledu jednog „zlatnog Ljiljana“ nije ničemu. Ja sam samo htio obzirom da znam šta znači „Zlatni Ljiljan“ da čovjek dobije najveće javno priznanje, pošto je lenta najniže priznanje općine Maglaj, ja da sam taj pojedinac postavio bi sebi pitanje da li treba da prihvatim tu nagradu. Ništa drugo nisam, nisam protiv, znam šta je čovjek vrijedio, šta znači „Zlatni Ljiljan“, znam šta je Grb Maglaja.

Vijećnica Svjetlana Zamboni, da ne bude da ja repliciram, ja bih zamolila gospođu Krzić da pročita iz Odluke da nagrade nisu gradirane, nema veće i manjeg priznanja u postojećoj odluci. To je najvažnije da se danas kaže, ne znam gdje ste to pročitali gospodine Jašiću, jer to ne piše u postojećoj Odluci. U Odluci čak stoji da priznanja nisu gradirana, nego su ona odvojena po određenim kategorijama i svako priznanje pokriva određenu kategoriju društva. Apsolutno je netačno da je Grb više ili niže priznanje od Maglajske lente ili bilo kojeg drugog priznanja. Gospođu Krzić ispravite me ako sam u krivu. Dakle, apsolutno nije tačno da bilo koje priznanje općine Maglaj nosi viši ili niži stupanj u svojoj dodjeli, samo se razlikuju kategorije po odluci koja je važeća kojima se priznanje može riješiti.

Nermina Krzić, vezano za diskusiju za „Zlatnog Ljiljana“, ja vama mogu reći „Zlatni Ljiljan“, Komisija je znala da je to najviše priznanje i da smo ovdje dobili prijedlog Delić Fikret i Edin Hadžić su predložili Bašić Himzu zv. „Trošo“ i ostavili Komisiji, nisu dali, znali su oni da je to „Zlatni Ljiljan“, ali su dali Komisiji da odluči o priznanju. Nama je bilo lakše da je taj prijedlog kao što su rekli za rahmetli Sulejmana Grb, jel me razumijete. Mi smo svako priznanje koje je navedeno ovdje ima svoju vrijednost i za mene je ono prvo do prvog.

Pojedina priznanja se dodjeljuju pojedincima, pojedina priznanja se dodjeljuju udruženjima i inače je pravilnik koji postoji, nije doradivan i tek se sad pošto potrebe su takve da se treba malo doraditi ovo, jel vama jasno, nemate koga pa ćete pet puta jednoj osobi dodijeliti. Shvatite to kao normalu jednu, da mi želimo da dajemo sugestiju i prijedlog da vi proširite, to je na Vijeću, to ne određuje Komisija. Ima pojedinaca, ima udruženja koje

su poslije rata radile, ne za vrijeme rata. 21 vijek je, ja sam se uvijek ježila na pomisao od rata, ja kažem hvala ljudima, za mene su svi koji su ostali u Maglaju dobili bi od mene svi zlatni ljiljan i oni što su bili civili i oni što su nosili oružje. Vi polemishete oko nečega gdje su predlagači sami dali komisiji šta da odluči. Mi smo mu dali lentu, smatrajući, čovjek je zaslužio. Ne može on sad dobit Grb Maglaja, za mene bi Grb Maglaja trebali dobiti svi građani Maglaja po tom pitanju. Niti mijenjam pravilnik, niti dajem prijedloge. Ovo su bili prijedlozi koji su bili u kovertama koje smo mi otvorili i kome smo po ovome dodijelili nagrade. Za mene je svaka nagrada jedna prva do jedne, ne pravim razliku.

Vijećnik Safet Jašić, kaže gospođa malo prije da se ne bave oni izmjenom odluka i pravilnika, ko je predložio, vi ste upravo predložili izmjenu i dopunu ove Odluke.

Pauza za Klub SDA

Dopredsjedavajući, ja bih samo upozorio Klub SDA na poslovničku odredbu da pauze ne traju duže od 15 minuta. Naravno ima tolerancije koji minut i ne samo Klub SDA, nego sve da poštujemo ono vrijeme za pauzu da poštujemo Poslovnik.

Koliko sam mogao vidjeti, mi smo iscrpili raspravu i došlo je vrijeme i da se izjašnjavam o prijedlozima.

Vijećnik Safet Jašić, ne znam koliko je pauza trajala, ja ću iznijeti stavove kluba.

Obzirom da je Komisija za dodjelu javnih priznanja izašla izvan okvira svojih ovlaštenja i predložila dodjelu priznanja, zahvalnicu za doprinos pojedincima u mjesnim zajednicama za učešće u radu i afirmaciji mjesnih zajednica koje još nije ustanovljeno, već se barata imenima pojedinaca koji bi trebali dobiti takvo priznanje, bez obzira bez da se da šansa da u bubanj za dodjelu takvog priznanja uđu i neki drugi pojedinci koji nisu dostavili prijedloge, rukovodeći se postojećom starom Odlukom o dodjeli javnih priznanja. Smatramo da OV ne treba raspravljati o nečemu što još nije ustanovljeno, odnosno donesena odluka za isto. Kada odluka o izmjeni dopuni odluke o javnim priznanjima bude usvojena, tek nakon toga može se raspravljati o kandidatima za dodjelu javnih priznanja i pružiti jednaka šansa svima zaslužnim za ovakve nagrade i priznanja. Iz tog razloga Klub SDA će biti suzdržan po pitanju Odluke o javnim priznanjima općine Maglaj za 2019. godinu.

Dopredsjedavajući, ja dajem na glasanje prijedlog Predsjedavajuće Svjetlane Zamboni, set prijedloga koji je bio prvi prijedlog i pošto nisam svaku riječ zapisao ja bih zamolio Svjetlanu Zamboni da ga pročita kako bi smo mi mogli na osnovu ovoga se izjasniti i izglasati.

Vijećnica Svjetlana Zamboni, ponavljam prijedlog koji sam iznijela, a to je slijedeće na sugestiju Načelnika općine Maglaj, a u skladu sa prijedlozima koji su dostavljeni u propisanom roku predlažem:

Da se Plaketa Maglaja dodijeli gospodinu Hajdaru Arifagiću i JU MSŠ, a Počasni građanin da bude gospodin Šefkija Botonjić. Osim toga Grb Maglaja da se dodijeli gospodinu Salimu Ibrahimfendiću. Zahvalnica Maglaja Školi rukometa „Maglaj“, a Maglajska lenta Bašić Himzi zv. Trošo i Smajić Mensuri.

To je prvi prijedlog.

Drugi prijedlog se tiče dodjele posebnog priznanja za 2019.godinu, predlažem da 2019.godine Općinsko vijeće dodijeli posebno priznanje općinskog vijeća Maglaj pojedincima za učešće u radu i afirmaciji mjesne zajednice ili udruženja građana.

Treći prijedlog, predlažem da to bude novčana nagrada u skladu sa mogućnostima Budžeta.

Četvrti, obzirom da je ovo prvi put da Općinsko vijeće dodjeljuje ovakvo priznanje, predlažem četiri slijedeća pojedinca: Bešić Mustafa, Kovačević Meho, Hrnjičić Zijad i Mašić Mustafa.

Ovo su prijedlozi zaključaka koji se tiču tačke dnevnog reda pod rednim brojem dva.

Slijedeći prijedlog zaključaka ticao se izmjena postojeće Odluke, a to je da postojeću Odluku o javnim priznanjima stavimo na javnu raspravu, jer prijedlozi koji pristižu svakako ukazuju da je vrijeme da ona pretrpi određene izmjene o čemu će sigurna sam imati šta reći i naši građani i udruženja, institucije, ustanove koje učestvuju u procesu ili proceduri predlaganja.

Dopredsjedavajući, idemo osim ovog zadnjeg prijedloga zaključka, to ćemo se izjasniti poslije, ko je za ovo što je Svjetlana Zamboni predložila kao zaključke,

Z A K L J U Č A K

2.1. Donosi se Odluka o dodjeli javnih priznanja općine Maglaj za 2019.godinu.

- Grb Maglaja - Salim Ibrahimfendić
- Plaketa Maglaja – Hajdar Arifagić i MSŠ Maglaj
- Maglajska lenta – Mensura Smajić i Bašić Himzo zv. „Trošo“
- Zahvalnica Maglaja – Škola rukometa „Maglaj“
- Počasni građanin Maglaja – Šefkija Botonjić

1. Općinsko vijeće Maglaj donosi odluku, da ove godine za Dan Općine, dodijeli i slijedeće nagrade zaslužnim pojedincima za posebne zasluge i angažman u mjesnim zajednicama slijedećim licima:

- Mustafa Bešić, Meho Kovačević, Zijad Hrnjičić i Mustafa Mašić.

2. Općinsko vijeće predlaže da nagrada bude u novčanom iznosu, a visina iste da se odredi u skladu sa mogućnostima Budžeta.

Glasalo 13 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik).

Glasalo 9 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Dženita Smajlović (SDA) .

U vrijeme glasanja u sali nije prisutna Ermina Muminović

AD – 3 Nacrt Odluke o izmjeni i dopuni Odluke o javnim priznanjima Maglaja;

Dopredsjedavajući, prelazimo faktički na treću tačku, a to je ovaj Nacrt Odluke o izmjenama i dopunama Odluke o javnim priznanjima Općine Maglaj, zaključak kojeg je predsjedavajuća pročitala, ko je za.

Samo da formalno utvrdimo da se zadužuje Komisija za dodjelu priznanja Općinskog vijeća Maglaj da bude nosilac javne rasprave. Javna rasprava po mom da traje najmanje tri mjeseca.

Z A K L J U Č A K

3.1. Donosi se Nacrt Odluke o izmjeni i dopuni Odluke o javnim priznanjima Maglaja.

3.2. Otvara se javna rasprava u trajanju od 90 dana i zadužuje Komisija za dodjelu javnih priznanja da provede javnu raspravu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik).

Glasalo 9 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Dženita Smajlović (SDA) .

U vrijeme glasanja u sali nije prisutna Ermina Muminović

AD – 4 Odluka o dopuni Odluke o utvrđivanju cijene odvoza smeća od pravnih i fizičkih lica;

Otvaram raspravu

Vijećnik Firuz Galijašević, Klub SDP-a će prihvatiti Odluku o dopuni Odluke o utvrđivanju cijena odvoza smeća od pravnih i fizičkih lica.

Dopredsjedavajući, zaključujem raspravu i dajem na glasanje

Z A K L J U Č A K

4.1. Usvaja se Odluka o davanju saglasnosti na Odluku o dopuni Odluke o utvrđivanju cijene odvoza smeća od pravnih i fizičkih lica Nadzornog odbora KJD Maglaj doo Maglaj (br: NO-14-1/19 od 28.6.2019).

Usvajeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik) .

AD – 5 Nacrt Ugovora o prijateljskom okruženju između Općine Maglaj i koncesionara u pogledu eksploatacije uglja i drugih resursa na lokalitetu ležišta uglja Brezove Dane;

Otvaram raspravu

Vijećnik Safet Jašić, što se tiče Kluba vijećnika SDA, mi prihvatamo Nacrt Ugovora o prijateljskom okruženju između Općine Maglaj i koncesionara u pogledu eksploatacije uglja i drugih resursa na lokalitetu ležišta uglja Brezove Dane. I u proteklom periodu mi smo podržavali i tada kada su ovakve stvari u pitanju, mislim da treba dati punu podršku. Ovaj put to Klub SDA i izražavamo želju da to krene što prije, da krene zapošljavanje ljudi ako ništa drugo.

Vijećnik Mustafa Bešić, ne bi bilo korektno da ne izađem kad se raspravlja o ovoj tački dnevnog reda, pošto se radi o mojoj mjesnoj zajednici, o eksploataciji uglja firme BBM. Ono što ja želim da kažem i radi javnosti da ovaj

Ugovor o prijateljskom okruženju treba da ide u javnu raspravu. Normalno da se upoznaju gore sve mjesne zajednice koje kotiraju gore na tom dijelu. Mi smo imali u prethodnom periodu toliko toga negativnog sa ovom firmom i želimo da ponovo se to vrati na početak da javnost bude upoznata i da ne bude neko kao pojedinac da snosi odgovornost. Ja kao pojedinac gore koji i sad vodim mjesnu zajednicu imao sam toliko toga negativnog sa ovom firmom i ne bi želio ponovo da imam takvih stvari.

Da ovo ide u redovnu proceduru, da ide javna rasprava, da se objasni stanovništvu gore o čemu se radi.

Načelnik općine, ja bih samo par podataka iznio. Ovo je proces koji traje još od 2012. godine, znamo sve šta i kako se dešavalo, kakav je bio odnos i lokalne zajednice prema koncesionaru koji je imao saglasnost za probnu eksploataciju. Znamo i kakav je bio odnos koncesionara prema lokalnoj zajednici koji su sve problemi se dešavali. Ja sam u ovom sazivu Vijeća ponudio Općinskom vijeću da se opredijeli da li ćemo ići dalje u ovaj proces po zahtjevu potencijalnog koncesionara. Vi ste dali saglasnost, u međuvremenu je održan i niz sastanaka između ostalog prvo što smo krenuli, krenuli smo od same lokalne zajednice od Mjesne zajednice Brezove Dane, odnosno Domislica na jednom sastanku gdje su mještani iznijeli svoja negativna iskustva koja su imali i rekli su nećemo zaboraviti šta je se dešavalo, ali ćemo pružiti priliku na neki način da krenemo od nule. U međuvremenu je održan niz sastanaka sa potencijalnim koncesionarima. Mi ne možemo zaključiti ugovor ni sa kim, zato što mi ne dajemo koncesiju, koncesiju daje Kanton. Kanton mora raspisati javni poziv, mi možemo se samo opredijeliti koji su naši uvjeti da bi Kanton nekome dodijelio koncesiju, koji su to uvjeti koje mora zadovoljiti, a to je između ostalog ovaj Ugovor o prijateljskom okruženju i program realizacije Ugovora o prijateljskom okruženju koji bi bio druga faza ukoliko ovaj ugovor prođe kroz javnu raspravu i dođe kao prijedlog za usvajanje, onda bi išli sa tim programom. U međuvremenu se desio niz izmjena, vi znate koji su uvjeti bili cijelo vrijeme, da to podijelimo u neke četiri dionice. Prije svega putne infrastrukture da bi se vršila eksploatacija, to je početna tačka od rudnika u n/m Domislica, od tog dijela do one krivine „okreta“ gdje ide za Mladoševicu put, treći dio od tog dijela skroz dole do centra Šehera i četvrti dio je obilaznica oko Šehera. Otprilike smo zadržali one ranije nivoe, gdje je bilo saglasnosti MZ Novi Šeher, da na godinu ili dvije da se izgradi obilaznica, zato što je to malo veći projekat, ostali dijelovi su uslovljeni početkom eksploatacije i toga se i dalje držimo, nema potrebe da to mijenjamo. Ono što je se značajno promijenilo, što se na kraju može promijeniti u potpunosti i da nas na kraju niko ništa i ne pita zbog toga je bitno da mi završimo ovu proceduru, da kažemo hoćemo ovako ili nećemo pa vidjet ćemo šta se dalje desi. Vi znate da postoje rudnici koji su javna preduzeća i koji grcaju u dugovima itd. Problem je bio koncesije, oni su tražili da se ukine koncesija, što svakako odgovara potencijalnom koncesionaru za Brezove Dane. Pojedine općine gdje se nalaze rudnici su se borili protiv toga i evo trenutno je koncesija 80 feninga po toni, što znači na 1000 tona koncesija je 800,00 KM. Od tih 800,00 KM manji dio bi se vratio općini, dakle to je skoro nikakva koncesija. Iz tog razloga smo promijenili prijašnji ponuđeni Nacrt Ugovora o prijateljskom okruženju, gdje bi sad koncesionar snosio sve troškove i rekonstrukcije puta i izgradnje puta, nabavka zemljišta i naravno onaj dio sredstava koji bi svake godine dok traje koncesija uplaćivao za projekte na tom području. To je sad prilika da ovu proceduru konačno završimo da na neki način neko ne prepisuje i Maglaju da nešto radimo sedam godina i ne možemo da završimo. Hajde da završimo ovako ili onako, ali da završimo. Zbog toga nudimo ovaj program kao Nacrt da ide u javnu raspravu, predlažem da to bude od 60 dana, što ne znači da se ne može završiti i prije. Da se pored javne rasprave koja bi se održala ovdje, obavezno održi i u Mjesnim zajednicama Brezove Dane-Domislica i u MZ Novi Šeher i nakon toga bi se ponudilo Općinskom vijeću konačan prijedlog programa o prijateljskom okruženju čime bi mi na neki način dali saglasnost Kantonu da može ići u tu proceduru uz jasne naše uslove koji su da bi se Ugovor mogao potpisati, odnosno da bi se mogao izabrati koncesionar. Osim što je dakle onaj potencijalni koncesionar za koga mi znamo ko je i šta je, imaju redovne kontakte i sa kantonalnom vladom i sa premijerom Ganićem, bili obrazložili iz resornog Ministarstva su od nas tražili određene podatke i to je jednostavno došlo na red da se i to rješava.

Dopredsjedavajući, ovo izlaganje je bilo potpuno i svi elementi koji su mene interesovali da mogu dati na glasanje prijedlog Nacrta Ugovora, zaključujem raspravu i dajem na glasanje

Z A K L J U Č A K

5.1. Usvaja se Nacrt Ugovora o prijateljskom okruženju između Općine Maglaj i koncesionara u pogledu eksploatacije uglja i drugih resursa na lokalitetu ležišta uglja Brezove Dane.

5.2. Zadužuje se Služba za urbanizam, geodetske i imovinsko pravne poslove da u roku od 60 dana provede javnu raspravu sa posebnim akcentom na Mjesne zajednice Brezove Dane i Novi Šeher.

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 6 Odluka o usvajanju Nacrta djelimične izmjene Regulacionog plana „Centar Maglaj – sjeverni dio“;

Otvaram raspravu

Vijećnik Hajrudin Fermić, mi ćemo se odrediti ovdje koliko će trajati javna rasprava oko nacrta ove izmjene Regulacionog plana. Ono što je primijećeno ko je gledao, jeste i malo širi lokalitet obuhvata kako smo nekad i zaključivali i predlagali, da se vrši taj obuhvat izmjene Regulacionog plana, pa je on prešao malo i ovamo između Karingtonke i ove zgrade, isto tako kao i dio Tržnog centra. Ulazimo u proces javne rasprave koja će biti po meni vrlo osjetljiva i zbog toga bi volio da se i kroz javnu raspravu gdje će biti prilike, ali i da onaj ko je radio tehnički taj dio Nosilac izrade izmjene Reg. Plana da ima na uvid da je neophodno da mi bolje, kvalitetnije riješimo i pitanje pijace, ja bih čak rekao da se malo razmišlja i o idejnom rješenju mliječne pijace na tom području. Naravno da s posebnom pažnjom govorimo kad je u pitanju interes onih vlasnika prostora na osjetljivom području „robna kuća“, najprije s aspekta eventualne opasnosti da neko nebi od radnika ostao bez posla, pa da nam ne bude skuplja pita nego tepsija. To je ono što bih ja sugerisao i kroz nacrt da se vodi računa.

Vijećnik Safet Jašić, i ja se sjećam da je ovo bilo prije nekih 4-5 sjednica u kojem obliku je predloženo nije ni važno, a ono što smo mi mogli primjetiti jeste ovdje piše na strani 3. kaže Načelnik općine sa odabranim ponuđačem D.o.o. „Stilprojekt“ Zavidovići, potpisao ugovor o izradi djelimične izmjene Regulacionog plana Centar Maglaj – sjeverni dio, što je normalno, ali možda griješim ne vidimo zainteresovanu stranku u ovom ponuđenom materijalu, ne vidi se ko je zainteresovana strana za izmjene Regulacionog plana. Po meni normalno je da troškove izmjene Regulacionog plana snosi zainteresovana strana, pa bih volio da mi neko iz Službe pojasni malo, volio bih da vidim ko snosi troškove, jer iz ovog ne vidimo ko je zainteresovana strana.

Fuad Hajrulahović, Općinsko vijeće je 14.03.2019.godine razmatralo prijedlog i tada ste usvojili i donijeli Odluku o pristupanju djelimične izmjene Regulacionog plana Centar Maglaj-sjeverni dio. U Odluci koju ste tada usvojili je bilo definisano ko je bio podnosilac zahtjeva na čiji teret idu troškovi. Znači podnosilac zahtjeva je bila Općina Maglaj iz više razloga, zato što ovom izmjenom rješavamo problem buduće Mliječne pijace, rješavamo problem saobraćaja u mirovanju i saobraćaja u kretanju. Imali smo više zahtjeva od stanara koji stanuju u tzv. objektima „robne kuće“, pa smo imali zahtjev za kolektivnu garažu ako se sjećate u prizemlju, pa ovih koji koriste pijacu itd. Znači ovaj jedan čitav kompleks koji se nalazi između ulice Viteške, Ilijasa Smajlagića, Aleje Ilijana i one pijačne ulice, to je malo veći prostor, troškovi su vrlo mali i to ide na teret Općine i radi se po zahtjevu Općine. Mi smo u Odluci kao što ste i vidjeli predložili da javni uvid traje 15 dana i poslije toga u roku od 15 dana da se održi javna rasprava, a vi možete taj rok i produžiti.

Dopredsjedavajući, zaključujem raspravu i dajem na glasanje

Z A K L J U Č A K

6.1. Donosi se Odluka o usvajanju Nacrta djelimične izmjene Regulacionog plana „Centar Maglaj – sjeverni dio“.

6.2. Zadužuje se Služba za urbanizam, geodetske i imovinsko pravne poslove da provede javnu raspravu u trajanju od 30 dana.

Glasalo 13 glasova za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Mustafa Buljubašić (samostalni vijećnik).

Glasalo 10 glasova uzdržanih : Adis Abdurahmanović, Edib Delić, Nedžad Alispahić, Selma Avdić, Mirsad Bejić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA) .

Fuad Hajrulahović, na sjednici ste u trećem mjesecu jednoglasno usvojeno, da se pristupi izmjeni djelimične izmjene Regulacionog plana. Sproveli smo kompletnu proceduru u skladu sa zakonom, sad vam donijeli prijedlog nacrta koji treba da ide na javni uvid i na javnu raspravu i sad većina vijećnika je za da ide na javnu raspravu, a ne znam zbog čega ste suzdržani ako ste prihvatili da idemo u izmjenu. Stvarno mi nije jasno ili ja to ne mogu da skontam. Zašto ste uopšte prihvatili da idemo u proceduru ako niste za?

Vijećnik Safet Jašić, ono čime smo se mi rukovodili jeste da ona ulica onakva kakva jest nije ulica, nego onaj prolaz od ulice Aleje Ilijana dole prema pijaci smo i na Klubu razmišljali i donijeli jedan zaključak, gdje treba biti malo više oprezan kada su u pitanju građani, odnosno stanari zgrada sa desne strane. Bojimo se revolta ili nezadovoljstva građana iz razloga, javna rasprava poštuju je to, kad prođe javnu raspravu sve će biti jasnije. Nama je jasno i svi vidimo da ima dosta zelenila koje je trenutno tamo između zgrade „robne kuće“ i onih drugih, bloka zgrada do pijace i ne mislim ja da će to građani tek tako prihvatiti da se to uništi, da se na neki način eliminiše ovom saobraćajnicom. Ako nisam u pravu ovo je samo jedan mali oprez, ali vidjet ćemo šta i kako će pokazati javna rasprava. Iz tog razloga mi imamo pravo da budemo suzdržani ili protiv.

Fuad Hajrulahović, nisam uopšte ljut, ali mi je neshvatljivo ozbiljni smo ljudi, a da se ovako ponašamo. Nažalost ove podatke koje sam sad čuo, čuo sam od određenog broja stanara prije deset dana da će ovako biti i

nisam mogao vjerovati. Stvarno mi je neprijatno za ljude koji budu ovo slušali da se ovako ponašamo. Da unaprijed nešto što nismo ni održali ni javni uvid, ni javnu raspravu donosimo zaključke i sugeriramo ljudima kako će se ponašati. Ovo govorim iz razloga što smo imali sinoć jednu raspravu ovdje za koju su ljudi pripremljeni i dobili napismeno šta i kako treba da rade. Mislim da ovakav način ne vodi ničemu. U startu smo onda mogli reći, a garantujem Safete da i ti prvi nećeš doći na javnu raspravu kad bude po pitanju ovom. Jer imam iskustva da do sad na javnu raspravu dođe dva ili tri, najviše 5 vijećnika je sinoć bilo. Nećete uopšte da učestvujete u javnoj raspravi, javnom uvidu a onda donosite zaključke, ovo stvarno nema smisla.

Vijećnik Safet Jašić, replika – ja nisam ništa čuo od stanara, a ovo je naša pretpostavka. Garancija ti je slaba da neću doći, evo ja ću doći a bio sam i sinoć na javnoj raspravi. Mislim da ne trebate tako Fudo istresat se na nama. Iznesi svoj stav, ti si ovdje da nam objasniš neke stvari i što mi ne znamo, šef si službe i stručan si za te stvari, nemoj u ovo ulaziti. Nije ti uopšte na mjestu ovo što si malo prije rekao.

AD – 7 Izvještaj o radu mjesnih zajednica za 2018.godinu;

AD – 8 Program rada mjesnih zajednica za 2019.godinu;

AD – 9 Informacija o stanju i funkcionisanju mjesnih zajednica;

Dopredsjedavajući, ako se slažete da sastavimo ove tri tačke dnevnog reda 7,8 i 9. da diskutujemo o njima skupa, a glasat ćemo pojedinačno.

Otvaram raspravu

Vijećnik Nedžad Lokmić, stara tema, stari problem. Dobili smo brdo materijala i svjedoci smo toga da su izvještaji pristigli, oni su takvi kakvi jesu, ima ih koji su detaljno urađeni po šablonu, do onih koji su čak pisani i rukom. Postoji nažalost i dalje ona šarolikost u pisanju samih izvještaja, ali ipak treba cijeniti i to da su pojedini ljudi entuzijasti, dobrovoljci, uspjeli napraviti i takve izvještaje. Klub SDP-a će podržati ovakve izvještaje kao i Program rada za 2019.godinu uz molbu, sugestiju da se nastavi na radu u vezi izrade Statuta mjesnih zajednica kako bismo konačno i riješili ovaj gorući problem na području općine Maglaj, što se tiče rada i funkcionisanja mjesnih zajednica.

Vijećnik Edib Delić, mi smo također raspravljali o ovoj tački dnevnog reda. Na jednom mjestu sam vidio sve izvještaje do sad i mislim da nisu nikad gori izvještaji došli do sad. Sve što je napisano je mimo metodologije po kojoj su se do sad radili izvještaji, da ne ponavljam, kolega je rekao kako su rađeni kako se kome sviđjelo. I to je konačan odraz stanja u našim mjesnim zajednicama. Nažalost to je tako. Imaju određene mjesne zajednice, neću isticati koje su pridržavali su se metodologije i način rada i to je vidljivo iz ovoga, ali ono što me najviše boli, mi smo prije dvije, tri tačke dnevnog reda pohvalili određene mjesne zajednice, a vidljivo je da jedan izvještaj tih mjesnih zajednica stao na jednu stranicu samo ovog lista. Iako nam takve mjesne zajednice budu uzor možemo svi u jednu truhlu lađu i niz Bosnu, a neću imenovati o kome se radi, prepoznat će se valjda sami.

Vijećnik Fikret Delić, što se tiče ovih izvještaja, ja ću se malo dotaći svoje MZ Kopice. U ovom Izvještaju stoje neki projekti, ja znam da su rađeni i drago mi je da su se uradili, ali ima dosta projekata koji nisu navedeni a urađeni su. Zato ću ja sad ovdje sve te projekte nabrojati u 2018.godini, a ne znam zbog čega nisu navedeni. 2014.godine klizište se dogodilo u naselju Jezersko brdo. Poslije 4 godine uspjeli smo to je dužina nekih 40 metara u dogovoru s Načelnikom da to saniramo. Put Kruščić-Podukvaca naselje u dužini od 110 metara, isto je urađen a to nema ovdje u izvještaju, mislim da je trebalo, koje se čekalo 21 godinu. Urađen je, urađena je spomen ploča u centru sela ni to nije navedeno u izvještaju. Isto prošle godine postavljene su prve rasvjete deset sijalica u naseljima gdje nije bilo, gdje je bio tunel od bugara do Hatkinih njiva. Uradili su i to nema nigdje. Ima još nekih projekata sitnih da ne navodim sad, a trebalo je. I ovi projekti koji su rađeni u MZ Kopice i ovo što je navedeno u izvještaju to je urađeno. Ja ću podržati ovaj izvještaj i sve ovo što je navedeno, ali trebalo je i ovo uvrstiti.

Samo da se zahvalim Načelniku, podnio sam jednu inicijativu za MZ Čobe prije dva mjeseca, radi se o jednom putu u Gornjim Čobama, taj put je prošli mjesec urađen. Načelnice, hvala vam u moje lično ime i u ime mještana.

Vijećnik Safet Jašić, teba diskutovati i o svemu pričati, treba ukazati na greške, pohvaliti što je dobro itd. ja sam uvijek na toj liniji. Ovo što je gospodin Delić naveo, nije nabrojano zato što ni bolje da nije rekao. Mjesna zajednica nije bila uopšte upoznata niti uključena sa tim aktivnostima koje su provedene, iz tog razloga nije bilo uvršteno. Da si makar na papirić dostavio predsjedniku MZ to bi 100% bilo uobzireno, međutim ne mogu ja ići trčat za vama gdje vi to šta radite. To je jedini razloga, to su neke para mjesne zajednice u kojima ja ne bih želio da govorim više ništa, da ne ode daleko.

Vijećnik Mustafa Bešić, ono što je meni zapalo za oko ovdje, izvještaji 5 mjesnih zajednica javnost treba da zna da mi imamo na općini Maglaj 20 mjesnih zajednica, a pet mjesnih zajednica nije uopšte dostavilo nikakve izvještaj i mislim da to nije u redu i nije korektno. Grad-Maglaj, Čobe, Bočinja, Donji Rakovac i Ravna. Mislim da se trebalo poraditi na tome, a mislim da je i rađeno nešto u tim mjesnim zajednicama koliko ja znam. Ja znam za ovaj period da nema ni jedne MZ na općini Maglaj da nije bila obuhvaćena nekim projektom, ulaganjima itd.

Ono što želim da pohvalim javno u 2018. godini uspješan rad, Općinskog vijeća koji je radio u općini Maglaj sa mjesnim zajednicama, na terenu sa onim ljudima, ko je htio da radi s općinom, ko nije htio radilo se bez njega. Tako je bilo i u prošlom mandatu. Neki ljudi ne mogu da shvate da se ne može raditi samo jednom stranom. Znači,

ova općina, Načelnik, Vijeće, odgovorno tvrdim da radi na cijeloj općini Maglaj. Evo neka izađe bilo koji vijećnik za ovaj period a da nije ni u jednoj mjesnoj zajednici ništa urađeno, neka demantuje, a ja ću vam demantovati za prošli saziv gdje sam bio i predsjednik MZ gdje nikad nije niko upitao mene trebal nešto, a vadimo se uvijek na neke. Načelnik općine je broj 1 i to treba da shvate svi ljudi, a sad kome je u interesu da ide ovdje, ondje, ima ljudi treba rasporediti transparentno na sve. Ne može jednoj mjesnoj zajednici biti i rasvjeta i asfalt, a u drugoj ništa. Moramo izbalansirati, čitava općina Maglaj treba da ima put, asfalt, vodu, javnu rasvjetu, odvoz smeća, ovo je sad prvo i radi se kako treba.

Kao predsjednik MZ se zahvaljujem da je ovo sve u redu i korektno i da sa ovim radom treba da nastavimo na cijeloj općini Maglaj.

Vijećnik Hajrudin Ferić, i ja sam uspio pročitati sve i izvještaje i Programe rada mjesnih zajednica i naravno ovo što ste vi prethodnici tvrdili da fali izvještaja iz određenih mjesnih zajednica, to se već vuče i nekoliko godina. Isto tako shvatajući i razumijevajući specifičnosti rada u mjesnim zajednicama znam koliko je teško raditi u mjesnim zajednicama i koliko obaveza ima a nisu napisane u ovim izvještajima kao što su recimo poslovi socijalne prihode, humanitarne prirode, prilikom određenih prirodnih nesreća koliko samo ima kulturnih manifestacija u pojedinim i sportskih a nisu napisane u 90% ovih mjesnih zajednica u izvještajima itd. Specifičnosti svake mjesne zajednice i problemi su specifični, za jednu mjesnu zajednicu i za drugu mjesnu zajednicu. Evo gledam i znam šta će gospodin Žarko kad izađe šta će i našta će ukazivati svoje probleme i pitanja. Ono što bih ja kratko rekao jeste da nama treba da ovaj rok koji su mjesne zajednice dobile da provedu rasprave po pitanju Nacrta Statuta da ga na kvalitetan način urade, da ne prilaze tome površno. Interesantno je da svaka mjesna zajednica napisala u svom izvještaju da je imala 1-2 Zbora. A nigdje niko nije napisao da je mimo toga imala neku javnu raspravu, da je imala neko anketiranje a bilo je toga u pojedinim mjesnim zajednicama u nekim nije, dakle može i pored tog klasičnog zbora gdje se robuje onom klasičnom kvotom itd. može se dosta toga uraditi, čut mišljenje mještana po bilo kom osnovu i po bilo kojem pitanju mjesne zajednice. Zbog toga govorim da se kvalitetno urade Statuti i da mi nakon toga ono kad se provede ta procedura izbora novih rukovodstava itd. imamo jednu tematsku sjednicu OV po pitanju rada, funkcionisanja mjesnih zajednica i još nešto. To je jedan od tih prijedloga koji vjerovatno neće bit ispoštovan do kraja godine, ali sigurno treba da se nađe u našem programu rada OV za 2020. godinu i to prvih tri mjeseca.

Da upitam, ja sam pokrenuo inicijativu prije 3 mjeseca, dakle tražio od nadležne službe da pokrene zakonsku i statutarnu proceduru imenovanja povjerenika za MZ Maglaj-grad. Jedna od onih inicijativa ili pitanja koja sam postavio a na koja nisam dobio odgovor je i to pitanje. Volio bih zaista da znam šta je to problem naći osobu, povjerenika koji je mogao da tehnički priprema sve ove radnje koje vi radite po drugim mjesnim zajednicama kako bi se eventualno utvrdio Nacrt Statuta i kako bi se i ta mjesna zajednica, kako Safet Jašić iz opozicionog bloka zna nama često prigovoriti evo ne radi vam MZ Maglaj-grad, a nema nikakvog pravog ni valjanog razloga zašto ona ne radi. I još jedna stvar, razmislite ja sam za to da kompletan Kolegij OV obiđe svaku mjesnu zajednicu u naredna tri mjeseca sa rukovodstvima MZ razgovara o tim tekućim pitanjima, problemima itd.

Ja ću prihvatiti ove izvještaje i programe rada, upravo sa tog aspekta što čekamo te konačne izmjene Statuta, a onda samim tim i tu proceduru i izbore novih rukovodstava u mjesnim zajednicama.

Ilić Žarko, predsjednik MZ Donji Rakovac – ja sam se vratio u Donji Rakovac 2002. godine. Od 2002. godine i dan danas vodim MZ Donji Rakovac. Nikada nam nije bilo teže nego sada, a jedino možemo pohvaliti ovu vlast koja nam je u 21 vijeku dala struju. Do par mjeseci nismo imali struje. Sad smo dobili struju, ali nam padaju mostovi. Most je pao prije godinu i nešto dana i nikad ga niko nije ni pokušao obnoviti. Taj je most vrlo značajan za našu MZ, ali nažalost već tri mosta druga padaju i krpi se sa daskama, to je veliki znak da ne možemo imati sa opštinom komunikaciju jer nemoguće je prolaziti takvim mostovima autom. Ako neko ne vjeruje neka izađe na teren pa neka vidi. Pokušao sam prošle godine da rasječem trasu od Palučka do nas gdje stanujemo, šumari su nas istjerali nisu nam dali. Tražio sam od Opštine da dobijem napismeno da možemo mi to uraditi, da nam dadnu koji pojas smijemo kao građani isjeći, nisam nikada dobio. Danas u tu mjesnu zajednicu autom ne možeš prići od trave i od korova.

Sejmenović Hasib, zamjenik predsjednika Vijeća MZ Kosova – želim da učestvujem u radu OV sa jednim pitanjem. Napravljen je komisija za tehnički prijem Vodovoda Gornja Kosova, komisija je usaglašena koliko sam ja upoznat, trebala bi doći da izvrši tehnički prijem tog objekta koji je napravljen, sad niti imamo upotrebnu dozvolu, niti imamo šta. Mi bi htjeli da zakonski sve to riješimo, pa bih zamolio općinskog načelnika i službe da nam u što kraćem roku to riješe i zamolio bih Načelnika, Službe i nevezano samo za Kosovu nego za bilo koju MZ bilo šta da se radi kako god bilo organi MZ tamo gdje funkcionišu dobro bi bilo da budu upoznati kad dolaze gosti, kad dolaze nekakve delegacije, kad se nekakvi poslovi trebaju odrađivati, da mi budemo upoznati barem onoliko koliko pristojnost nalaže kad dođeš nekakvom domaćinu da mu se javiš. Sve ostalo što nije do nas mi ne moramo ni znati, ali ako dođe bilo kakav posao da se treba odraditi u Kosovi, da mi ne znamo iz rukovodstva MZ ni kad će se početi, kad bi trebalo završiti ni šta će se raditi, a trebali bi da budemo nekakav servis građanima, da budemo spona između tih građana i općinske administracije, a vjerujte ako javne ustanove ovdje u ovoj općini imaju nekakav mjesečni da li sastanak sa općinskom administracijom, sa Načelnikom sva rukovodstva mjesnih zajednica su nekakva produžena ruka administracije i Načelnika, a ne bi bilo loše barem jedanput mjesečno da se kaže sve

mjesne zajednice imaju tog i tog dana sastanak da li sa rukovodiocem ili s osobom koja će mijenjati Načelnika i da mi možemo u živoj riječi neke stvari riješiti a ne da se dopisujemo sa nekim saopćenjima, da šaljemo urgencije koje mogu biti ili ne moraju biti odgovorene, vraćene i da nekad se ne igramo nekih gluhi telefona ili slanja na jednu ili drugu adresu, a jednostavno bi bilo ne možemo danas, ne možemo u ovom trenutku naći ćemo termin to nam je malo, relacije su, bez obzira nismo mi svi u istoj političkoj opciji, ali kad je neko Načelnik ili kad je neko izabrani rukovodilac, državni službenik njegovo radno mjesto i radno vrijeme ne može od 7-3 ili od 8-4 ne može se gledati stranački. Platu primaju za posao za koji su zaduženi, a poslije 4 može raditi ko šta hoće. Bar ja tako i u svojoj firmi koju imam radim i trebalo bi da ondje gdje zarađujemo pare da to tako bude. I molio bih ako bi se mogao naći taj način da se jedanput mjesečno kaže, ne mora Načelnik, Načelnik ima posla, ima obaveza, ali ima njegov zamjenik i ima neko ko bi mogao to rješavati. Još bih zamolio budući da mi u ovom trenutku po planu koji smo dostavili za rad u 2019. godini imamo još jedno trafo područje da riješimo sa uličnom rasvjetom, mi smo sve pripremili ono što je do nas. Načelnik je obećao da će kad dođe to vrijeme pomoći, pa ja bih zamolio da i taj dio riješimo u Kosovi.

Načelnik općine, navedite mi samo jedna primjer šta MZ nije znala da se radi u Kosovi.

Sejmenović Hasib, pa evo sad ovo sanacija ovog gore klizišta, ja sam neko ko bi volio u živoj riječi da razjasnimo. Mi nismo znali ni kad počinje, nego na upit građana, šta ovi gore rade, kad je to počelo, ja nemam pojma.

Vijećnik Hajrudin Fermić, jednu sugestiju obzirom da imam informacije ne znam jesu tačne, vjerujem da jesu, da ljudi u udruženju lokalnog vodovoda Duba koji ga vode imaju problema sa onom primopredajom i onih svih materijala, dokumentacije itd. zaista im predstavlja teškoću u radu i funkcionisanju, a koliko znam imaju interesa i volje da rade, zamolio bih predsjednika MZ da pokuša u tom dijelu da posreduje da se jednostavno deblokiraju ti problemi, ako ih ima gore, kako bi se nastavilo normalno raditi.

Vijećnik Safet Jašić, ja ću odgovoriti na ovo pitanje, ja zaista nisam nikad bio smetnja, ni ja ni MZ. MZ je ustupila Mjesni vodovod udruženju vodovoda „Duba“ prije desetak godina po samoj izgradnji. Nikada se nije miješala u rad udruženja ni jednog, niti su kad pitali na koj način to oni rade, ni šta rade itd. izuzev situacija gdje oni nisu kao udruženje u mogućnosti da apliciraju, mi smo aplicirali kao MZ za izgradnju raznih kaptaža, urađeno je što je urađeno. Mi nemamo praktično s tim ništa što se tiče MZ. Ljudi ako smatraju da su legalno izabrani neka rade svoj dio posla, a ja znam radi se o problemu naplate. Mjesna zajednica je 2016. postavila mjerilo, brojila za sve korisnike Vodovoda „Duba“, gdje se ni danas ne vrši naplata što je sasvim normalno i omogućeno je i tada su govorili dajte nam samo brojila da mi to uredimo i neće biti problema više u Vodovodu. Brojila su postavljena, 35.000 KM ja mislim da je Općina Maglaj u to vrijeme izdvojila 2016. godine, nisam siguran ili je Kanton i uložena su sredstva gdje brojila propadaju u tim šahtovima i bilo bi dobro da se Udruženje pozabavi sa tim i da krene normalno da uspostavi kriterije naplate vodovoda ili neka skinu, neka vrate, neka unovče nek naprave nešto drugo. Ovo je istina, MZ radila i pomagala Udruženje samo u tom dijelu. Kad treba investirat, kad treba aplicirati oni zaista nisu nikada aplicirali i naravno da treba biti saradnja između MZ, a MZ je dala na neograničen period Udruženju upravljanje vodovodom. Ako se neko nađe ja sam čak predlagao da uđe neko iz MZ nije se našlo to, ali neće, neću da govorim sad o izabranim ljudima, možda će doći vrijeme kad će to biti. MZ nikome ne smeta nikome, ni raniji saziv nije nas ništa pitao tako nisu ni ovi. MZ nema s tim ništa, samo neka se dogovore sjednicu, staro udruženje, staro rukovodstvo udruženja i novo rukovodstvo i neka završe posao. Dokumentacija koja postoji je sva u udruženju. Prema tome, jedino možemo posredovati da približimo te ljude, ništa drugo, nikakav teret ovdje MZ, ima samo svoje zasluge. Jer ja kad sam došao za predsjednika nije bilo ništa, nije bio ni bazen, bio na tuđoj zemlji i ja sam to sve preveo u vlasništvo da je to naše i sve na kraju krajeva doveli smo do toga da imamo svi korisnici brojilo, nažalost većina rukovodstva tog sadašnjeg nije dozvolila da im se stavi to brojilo i nikad nisu plaćali vodu.

Dopredsjedavajući, ode to daleko, bila je samo molba da pokušate svojim autoritetom predsjednika MZ posredovati da se riješi problem između starog i novog rukovodstva.

Načelnik općine, apsolutno postoji nereda u mjesnim zajednicama, da imamo političkog djelovanja u mjesnim zajednicama, stranačkog djelovanja gdje ljudi, rukovodstva pojedinih MZ rade u korist stranke protiv svoje MZ, ako hoćete skorašnje primjere, neki dan su razbili zbor u Jablanici koji se tiče Statuta i MZ, a ne stranačkih pitanja gdje su pare od naknade za šume koje su 20-tak hiljada KM na godišnjem nivou, a u Jablanicu uloženo 300.000,00 KM. Pa onda ljudi pitaju gdje. Pa dođu sa drugim nebulozama, budaleštinama. Imate izvještaje MZ, neće ljudi da prikažu gdje su potrošili pare, pa da onda trebam pitat ovdje za govornicom kako nestane 500,00 KM, na ne znam koliko kilometara dok se dođe do Opštine. Apsolutni nered i ja podržavam ovaj zaključak i zahtjev da se završi proces rekonstrukcije u svim MZ i očigledno treba napraviti zaokret. Isto tako moram reći da ima MZ koje izuzetno dobro rade. Ima MZ koje ne vode računa o politici i pripadnosti političkim partijama, nego rade u korist svojih mještana. Nemojte da ovdje izdvajam ima njih i u SDA i u SDP-u i u drugim partijama i neću ovdje izdvajati da ne bi pravili polemiku, ali da vam kažem da ima, ali ima onih koji su spremni da rade protiv sebe i svoje MZ. To je meni neshvatljivo.

Gospodin Žarko je pitao za Rakovac, ja ću vrlo kratko odgovoriti. Nekoliko je mostova na tom prerezu za Rakovac, jedan od njih je urušen pa se koristi prolaz kroz korito. Ukoliko to budemo mogli sanirati ove godine

vjerovatno ćemo nešto uraditi konkretno na tome. Ali vi morate znati da ŠPD i njihovi podugovarači su oni koji ovu državu pljačkaju i koji ove puteve uništavaju. Uništavaju puteve ne samo za Rakovac i Jablanicu, tako vam se jave mještani i u šeherskom dijelu, tako se jave mještani iz Oruča, neki dan su došli neznaju ljudi više šta će. Malo je voziti pun šticar drva, nego treba još zakačiti nisku profilnu prikolicu i voziti buldožer na njemu, na putu čija je nosivost ne znam koliko tona. Ako je 15 tona, treba natovariti 80 tona da se vozi. I to policija ne sankcioniše, iako sankcioniše 40,00 KM vozaču, plati odmah 20,00 KM i oni odradili svoj posao, a štete su hiljade i stotine hiljada na putnoj infrastrukturi. Kad ste pitali ovo što niste dobili saglasnost Općine, nismo nadležni da vam damo mi saglasnost da to radite, zato i niste dobili saglasnost. Sve što budemo mogli odraditi na tom dijelu i već je dio sanacije izvršen na tim mostovima kad je u pitanju drvna konstrukcija zaista je bilo protruхло, pokušat ćemo održavati što bolje možemo.

Kada je u pitanju gospodin Sejmenović iz MZ Kosova, Komisija za tehnički pregled, nisam u toku evo gospodin Hajrulahović zna o čemu se radi i vjerovatno će to završiti, ukoliko je sve spremno za tehnički pregled. Pomenuli ste ovdje političko djelovanje, pa vidite valjda Plan kapitalnih investicija i izvještaje koje imamo na Vijeću i obilazak MZ i razgovori sa rukovodstvima govore da ja u funkciji Načelnika ne radim to politički, ali vi biste isto tako bili korektni kad biste rekli da godinu dana do vas Načelnik nije mogao doći. Zato što djelujete politički. Ja sam to govorio nekoliko puta za rukovodstvo MZ Kosova, a onda vi izađete po fejsbuku i kažete Načelnik govori protiv Kosovljana. Nikad, uvažavam sve mještane Kosove, ali sam rekao da je bilo problema sa rukovodstvom MZ Kosova. Malo smo to na neki način ublažili, evo iznijeli ste tvrdnju da treba da se zna šta se radi u vašoj MZ. Ja vam kažem dajte samo jedan primjer. Vi navedete primjer gdje sam ja na posljednjoj sjednici Vijeća rekao da u narednih dva-tri dana ulaze mašine za sanaciju klizišta u gornjem dijelu Kosove. Sjedi vam vijećnik, gospodin Abdurahmanović koji je bio prisutan na sjednici i postavio pitanje za to ispred MZ. Dobio odgovor. Informacija preko zvanične stranke Općine, preko fejsbuk stranice Općinskog načelnika i na RTV Maglaj da ulaze u ponedjeljak mašine na sanaciju. Dakle, svi upoznati. Šta se dešavalo, u ponedjeljak ujutro se nisu pojavile odmah mašine jer izvođač radova koji ima mašine u Žepču završavao neki posao. Odmah ujutro su počeli da huškaju mještane da idu pred Općinu. Ja sam otišao gore među mještane i objasnio im o čemu se radi. Gore sam već zatekao izvođača radova i gospodina Hajrulahovića da su već došli na uvođenje. Zna se šta se desilo? Mještani su slikali gore da je bio prisutan Načelnik i objavili da se ide u sanaciju i šta se poslije toga desilo, dobijaju prijatne porukama što će se neko slikat, što će neko objavljivat itd. Dakle, evo pozivam još jednom rukovodstvo MZ Kosova, manite se politike, manite se po fejsbuku iznošenja neistina da Načelnik neće gore da sanira put, zato što nije dobio odozgo glasove, a objasnite mi kako ja znam ko je za mene glasao, a ko nije u Kosovi u kojoj sam dobio izuzetno puno glasova. Dakle, nemojte, budite korektni, budite poštteni prema svojim mještanima, prema svojim sugrađanima. Ja ću sigurno biti korektan i pošten i sve što je rađeno u Kosovi, molio sam vas za rasvjetu, čekao na vas, pa smo nazor počeli raditi da biste se i vi priključili iz MZ. Preko MZ išla pomoć za izgradnju tribina na stadionu. Ovo sam objasnio za ovaj dio kad se tiče sanacije. Sve ostalo što imate u planu kapitalnih investicija, znate već od trenutka usvajanja, samo trebate razgovarati sa Službom i sa Načelnikom. Ali najlakše je napraviti kontra efekat, hajmo ići protiv, hajmo provocirat, hajmo izazivat, hajmo pisat neistine po fejsbuku, e to ne valja.

Dopredsjedavajući, zaključujem raspravu i dajem na glasanje sve u paketu izvještaje koje smo dobili.

Z A K L J U Č A K

7.1. Usvajaju se Izvještaji o radu mjesnih zajednica za 2018.godinu.

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

8.1. Usvajaju se Programi rada mjesnih zajednica za 2019.godinu.

Usvojeno jednoglasno sa 23. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

- Informacija o stanju i funkcionisanju mjesnih zajednica prima se k znanju.

Gost Huskić je na izlasku iz sale govorio neprikladne komentare prema vijećnicima SDA.

Vijećnica Selma Avdić, je reagovala i zatražila da se ovom gospodinu ne dozvoli da više ulazi u salu Općinskog vijeća jer on lično svojim imenom i prezimenom napada sve vijećnike s ove druge strane. Ukoliko on bude dolazio ovdje mi ćemo zvati policiju.

Dopredsjedavajući, ja razumijem ovu vašu reakciju, ali je činjenica da su cijelo vrijeme svi ovi gosti bili jako disciplinovani i poštovali su Poslovnik, ovo sad na izlazu niko nije mogao uticat.

U jednoj rečenici čovjeka koji je na izlazu, niti ga razumijem niti ga čujem dobro, ali svakako da razumijem vašu reakciju i opravdana je. Nisam bio u prilici da reagujem, jer je čovjek to sve rekao prilikom izlaska.

AD – 10 Informacija o kretanju zapošljavanja i nezaposlenosti na području općine Maglaj za 2018.godinu;

Dopredsjedavajući, mi smo procjenjivali i dogovorili da bi mogli da radimo do 13 sati, po mojoj nekoj procjeni mi bi mogli i da završimo sve do 13 sati i mislim da je to u redu da pokušamo i vidimo, ako ne onda ćemo napraviti pauzu.

Materijale ste svi dobili, otvaram raspravu.

Nije bilo rasprave, ja se izvinjavam što nismo našli malo vremena da progovorimo koju o nekim trendovima u zaposlenosti i zapošljavanju, ima nekih, a isto tako i zbog toga zadužujemo Načelnika da na jednoj od narednih sjednica malo uzme ovaj socio-ekonomski izvještaj o stanju općina na području Federacije u 2018.godini i vidjet ćete jako interesantnih trendova i dobrih informacija za općinu Maglaj. Dakle, za jednu od narednih sjednica ne bi bilo loše da se upoznamo i sa tim.

- **Informacija o kretanju zapošljavanja i nezaposlenosti na području općine Maglaj za 2018.godinu, prima se k znanju.**

AD – 11 Informacija o radu privatnih predškolskih ustanova za 2018/2019. godinu PPU koje se sufinansiraju iz Budžeta Općine Maglaj;

- „Maglajska mala raja,
- „Dječiji osmjeh“ Maglaj

Dopredsjedavajući, materijale ste dobili a ne vidim predstavnike.

Vijećnica Svjetlana Zamboni, Gospodin Ninković Mario je najavio da je direktorica na godišnjem i ukoliko je potrebno on će izaći s posla.

Dopredsjedavajući, imamo mišljenje iz Službe.

Otvaram raspravu

Vijećnica Šahman Anida, Klub vijećnika SDP-a će Informaciju o radu privatnih predškolskih ustanova za 2018/2019. godinu PPU koje se sufinansiraju iz Budžeta Općine Maglaj, primiti k znanju. Također želimo mnogo uspjeha pri realizaciji planiranih noviteta u obje privatne predškolske ustanove.

Vijećnik Hajrudin Ferić, radi se o sugestiji koja ima uporište u propisima. Naime, mi ovdje bismo trebali da raspravljamo o izvještaju, onim finansijskim budžetskim sredstvima koja idu iz Budžeta Općine Maglaj tim privatnim ustanovama. Obzirom da nema rečenice ni jedne napisane, niti ima bilo kakvog pomena o tome, ja mogu samo da pretpostavim da oni sva ova sredstva koja dobiju, obe predškolske ustanove da oni njih koriste za tekuće poslovanje, što ne znam da li se može na ovaj način ovako i dijeliti iz Budžeta ili da ide kroz neke druge stavke, a to je ono subvencioniranje privatnim preduzećima ili javni interes u privatnim školama, o čemu smo mi već ranije govorili. Zaista nas interesuje po čemu oni provode javni interes naše općine, a vjerujem kroz ovu informaciju koju smo pročitali da je jako dobro što postoje te privatne ustanove i koje su dobar nadomjestak, jer očito da su kapaciteti ove naše JU puni i da će biti još puniji i da sigurno oni amortizuju određenu potražnju za tim prostorom.

Ja samo sugerišem da buduću budžetsku projekciju da se vidi zaista na koji način davati tim ljudima sredstva koja im na neki način i pripadaju.

- **Informacija o radu privatnih predškolskih ustanova za 2018/2019. godinu PPU koje se sufinansiraju iz Budžeta Općine Maglaj, primaju se k znanju.**
- „Maglajska mala raja,
- „Dječiji osmjeh“ Maglaj.

AD – 12 Informacija o radu JU Centar za djecu i odrasle sa posebnim potrebama ZDK za 2018.godinu.

Dopredsjedavajući, ne vidim obrađivača, iz tih razloga nisam ni pozvao direktoricu Centra za socijalni rad, jer su imali nekakve potrebe da malo pokušaju razjasniti određene dileme i neka od pitanja koja bi mogla biti problematična u narednom periodu. Ne znam imal potrebe da otvaramo raspravu, vi informaciju imate pa možete diskutovati ako ste se pripremili, ako ne da je primimo k znanju.

Žao mi je što nema predstavnika tog Centra.

- **Informacija o radu JU Centar za djecu i odrasle sa posebnim potrebama ZDK za 2018.godinu, prima se k znanju.**

BRIFING NAČELNIKA OPĆINE

Skoro smo imali sjednicu i vrijeme je godišnjih odmora, ja ću vrlo kratko.

Prije svega da pozovem vijećnike, da pozovem naše sugrađane da posjete festivalske večeri u okviru maglajskog „Studentskog ljeta“ da se manimo politike a da čuvamo naš brend. Sutra uvečer je večer narodne muzike, u subotu naveče, večer zabavne muzike. Sjajan orkestar 15 članova, profesionalni žiri i stručni žiri novinara i naravno publike. Prema tome pokažimo i ljubav prema svom gradu i prema našem brendu „Studentskom ljetu“.

Kad je u pitanju ovaj dio godine najinteresantnije su aktivnosti iz infrastrukture s obzirom da je građevinska sezona u jeku, pa ja mogu nakon što sam se nekoliko puta izvinjavao i molio mještane Kosove da se malo strpe da se radi elaborat i izbor najboljeg rješenja itd. mogu reći da su radovi u toku i u narednih 7-10 dana da će biti završeni. Svi oni koji su posjetili mjesto izvođenja radova mogu vidjeti da nije bezazleno ono što je bilo, što se desilo, tako da još jednom hvala na strpljenju mještanima tog dijela Kosove. Privest ćemo to vrlo brzo kraju.

Treba obavijestiti također mještane Moševca, odnosno Ravne koji koriste dionicu od Moševca prema Ravnoj, onaj propust koji je oštećen, odron koji ima da će i to vrlo brzo ići u sanaciju, kao i potporni zid i dio saobraćajnice kod mosta u Tujnici. Naravno idu dalje radovi i u okviru ovih infrastrukturnih radova i na drugim područjima općine Maglaj.

Ono što očekujemo uskoro jeste i raspisivanje tendera sredstava vodnih naknada, to su ona sredstva za koja nas je prošle godine Kanton zakinuo u potpunosti. Ove godine ćemo vidjeti kako ćemo završiti.

Moram pomenuti i projekat ITHAB koji će od septembra mjeseca funkcionisati u Općini Maglaj. Dakle, to je projekat u kojem učestvuju i MSOFT i SPARK i Dom kulture i općina Maglaj i gospodin Saša Stanić kao predavač ispred MSOFT-a i SPARK-a. Škola besplatnog programiranja, dakle mogućnost onih koji nemaju posao da kroz ovu besplatnu obuku nauče dobar poziv IT poziv da postanu IT stručnjaci i da mogu raditi za pristojna novčana sredstva. Ja koliko imam informaciju vrlo je značajan broj koji su zainteresovani i koji su se do sad javili.

Uskoro ćemo imati i goste iz Češke, vezano za projekat koji smo u saradnji sa Češkom Ambasadom sa Češkom Razvojnoum agencijom i Udruženje People end ned. Tokom septembra mjeseca je najavljena i posjeta Austrijske ambasadorice. Uskoro nam slijedi i Dan općine tako da ćemo održati i uobičajenu akademiju i određeni prigodan program.

Što se tiče vijećničkih pitanja, bit će evidentirana, pa kako kažem pri kraju su godišnji odmori ono što je napravljena analiza što sam prošli put pomenuo da je gospođa Hasanić završila, Službe će odraditi po svim pitanjima, dostavit će odgovore za one koje niste dobili. Odgovore koje ste dobili iza govornice ili već dobili u okviru nekog od materijala izvještaja itd. to nećemo da gubimo vrijeme da duplamo.

VIJEĆNIČKA PITANJA I INICIJATIVE

Vijećnica Selma Avdić, zamoljena sam ispred građana MZ Moševac da izađem i da kažem za jednu problematiku povećanja vožnje motociklista u toj MZ, gdje se skoro desila i jedna nesreća, gdje je jedna djevojčica nastradala. Naročito, to je u sokaku od Osnovne škole prema Benzinskoj pumpi „Džino“. Tu se vozi veoma brzo i veoma je veliki broj motociklista.

Molim Policijsku stanicu Maglaj da povede više računa u toj MZ, jer ima dosta ljudi koji nemaju dozvolu za vožnju tih motocikla.

Vijećnik Mustafa Bešić, želim da iznesem ponovo jedan stari problem vezano za električnu energiju na novošeherskom kraju.

Svaki bajram, mi ostanemo bez električne energije. Jedan dio novošeherskog kraja je riješen. Trafo stanica u Novom Šeheru, ja mislim da je ona urađena. Ovaj dio gore kod nas. Narod negoduje, ja znam srž problema, ali ne mogu svakom objasniti. Daj da vidimo kako ćemo riješiti tu problematiku električne energije preostalog novošeherskog kraja. Dođe nam bajram, gdje mi ostanemo bez el.energije. Svi okolo imaju, samo mi nemamo. Ja mislim da je i u Kopicama jedan dio takav problem. Dajte da se to riješi. Problemi su ovdje dvije Elektrodistribucije HZHB i „Elektroprivreda“ BiH, koji ne mogu da se usaglase čiji je teren, ko će plaćat. Ja sam razgovarao sa direktorom HZHB. On meni kaže, u Novom Šeheru, vi Bošnjaci svi plaćate el.energiju „Elektroprivredi“ BiH, a hoćete od nas da vam mi održavamo. Rekao sam mu da nismo mi zaduženi za to, vi trebate između sebe dogovoriti. Narod trpi, mi uredno plaćamo račune. Da li je legalno ili nelegalno da mi plaćamo „Elektroprivredi“ BiH, a da nam ovi ljudi rade gore. Kad nam se desi nestanak el.energije nama uistinu dođu Hrvati HZHB da nam poprave ono što se može. Dođu lično u Domislicu na trafo da nam puste struju. Ja vas

zamoljavam, i Načelnika da ponovo uputimo tu jednu urgenciju da se to vidi, da se napravi da se riješi problematika el.energije. Sramota je stvarno da za praznik nemamo el. energije.

Vijećnik Fikret Delić, ja imam jedno pitanje za Načelnika.

Ovo je već treći, četvrti put da podnosim isto pitanje, ali ako može da mi odgovori radi mještana MZ Kopicice da znaju a vi ste to na jednom od skupova i iznijeli, a radi se o izgradnji Doma mladih u Kopicama. Evo već priča traje nepune dvije godine. Samo nas zanima ako možete da odgovorite da li će se graditi i kad će se graditi ako možete da odgovorite na to pitanje.

Vijećnik Hajrudin Ferić, molio bih usmeni odgovor odmah. Da li je završeno sa ovom ljetnom sanacijom udarnih rupa na području grada Maglaja. Naime, zaista je više nego katastrofalno stanje ulice Civilnih žrtava rata. To je jedna od najgorih ulica koje imaju, a još neke poput Sarajevske ulice. Ništa nije rađeno. Da li se mi možemo nadati da to ove godine bude ili ćemo čekati iduću godinu ili je to već ispucano.

Drugo Fikrete, meni su također rekli da postavim to pitanje, šta je sa tim Domom. Ja sam i odgovorio, ja koliko se sjećam zadnje je bilo kad je došla projektna dokumentacija više nema kočenja i neće biti ni od koga kočnica, a ono iz tog pitanja koje si postavio izgleda da ima nekih kočnica.

Sjećam se kad je Načelnik rekao, evo konačno krećemo i u to, pa mu odgovorio Jašić, mi smo dobili prije dva-tri dana projektnu dokumentaciju neće biti s naše strane kočnica, a Načelnik je rekao neće biti ni s naše strane kočnica, a ona haman ima kočnica.

Vijećnik Nedžad Lokmić, ja sam zamoljen od strane nekoliko građana MZ Misurići, odnosno Jelovca onaj dio stanovnika koji su na potezu od semafora prema mezarju, odnosno autobuskom stajalištu na izlazu iz Jelovca koji ukazuju na dugogodišnji problem onog dijela Mag. Puta M-17. Naime, i sam sam bio dolje kod sestre i zeta i u nekoliko onih kuća isti problem. Oni imaju osjećaj da od poslije poplava taj put kao da je dobrim dijelom uništen, jer su vibracije kuća sve jače kad većom brzinom kamioni naiđu, da se osjeti kako kuća podrhtava. Što može Općina u tom pogledu učiniti, ima li ikakvih nadležnosti i prema kome poslati neke inicijative bude li potrebno ili nešto slično?

Vijećnica Irena Herceg, gore pored Mag. puta ima spajanje sa Bunarskom ulicom prema Vodovodu. Tu je bio znak spajanje sa sporednom cestom, tog znaka više nema. Ne znam da li se može preko Službe uputiti dopis Cestama Federacije za vraćanje tog znaka?

Načelnik općine, dao odgovore:

- Prvo je bila gospođa Avdić, vezano za motocikliste u Moševcu, ima ih ne samo u Moševcu i ne samo motociklisti, nego i automobilski saobraćaj, ima ih koji zloupotrebljavaju i zakon i vozila i motore i ceste. Nažalost, mi nismo nadležni u tom dijelu. Nadležna je Policijska stanica i ponovo ćemo uputiti dopis da pojačaju kontrolu bez represivnih kaznenih mjera, udaranja po đepu nema rezultata. Ovako nekog napomenuti od toga nema očigledno ništa i gdje god se vidi i u predgrađu i u mjesnim zajednicama i izvan, zaista brza vožnja je problem. Ponovo ćemo kontaktirati Policijsku stanicu.

- Kad je u pitanju dilema od gospodina Bešića, el.energija na novošeherskom kraju, kvalitet , stanje, upravljanje postrojenjima itd. ja sam vas informisao na jednom od Općinskih vijeća da sam bio u Mostaru na sastanku gdje su bili predstavnici FERK-a „Elektroprivrede“ BiH, „Elektroprivrede“ HZHB, oko problema rješavanja nekvaliteta napona na novošeherskom području. Znao ste vi da je bio i problem trafo stanice u Gornjoj mahali prije 15,18 mjeseci. Stajala sa upotrebom dozvolom dok nije priključena „nasilu“ nije ni riješen problem. Mogu reći da sam bio izuzetno raspoložen s obzirom da je to moja struka da na tom sastanku kažem sve probleme i da me ne mogu sa stručne strane varati, dakle to nije problem elektrotehnike, nije problem tehnike, tehnologije, problem je politike. Tu se miješaju ratna dešavanja, ratne čizme i pokušaj zadržavanja plijena na način na koji se hoće, a činjenica da na novošeherskom kraju ni jedna elektroprivreda od poslije rata nije uložila čestit novac u rekonstrukciju mreže i to je započelo sa Gornjom mahalom, sa Čobama koje smo završili ranije i koje su puštene u funkciju. Trenutno se radi u Kopicama nova trafostanica i novo nisko naponsko trafo područje tako da će to poboljšati kvalitet odnosno stanje sa kvalitetom električne energije na području Kopica. Ima još područja gdje je nekvalitetan napon. Jedno od područja je i Domisljica. Domisljica je velika a nalazi se na jednom trafo području. Tim trafo područjem upravlja „Elektroprivreda“ HZHB. Žalosti me kad čujem da ljudi koji rade u firmama poput elektrodistribucija daju ovakve neljudske, nehumane odgovore da Bošnjaci plaćaju el.energiju ne znam tamo gdje. Električnu energiju svaki kupac ima izbor da kupi od bilo koga ko je registrovan za prodaju električne energije. A druga stvar, ono što dobijete u računu je mrežarina. Mrežarina ide onom ko je vlasnik elektroenergetske mreže, a električnu energiju možete kupiti od koga hoćete. Gore je problem što nije nikad riješena nadležnost upravljanja, što su djelimično investirale i jedna i druga elektroprivreda i nije raščišćeno i tražimo i istrajat ću na tome da se to konačno razriješi da se zna ko je titular i ko upravlja elektro energetsom mrežom i ko je odgovoran za taj dio. Znao ste u Domisljici da je bio problem i sa onim napajanjem razvodnog ormara BH telecoma, ali prije svega dobro je da ćemo riješiti sa ovim novim trafo stanicama dio problema, a onda će valjda konačno da se riješi problem na novošeherskom kraju. Mislim da sam vam pominjao prošli put da su gospođa iz FERK-a napisala Općina Novi Šeher itd. da ne znaju ni onu osnovnu geografiju.

- Vijećnik Delić je pitao za Dom mladih u Kopicama. Ja sam provjerio danas kod gospodina Hajrulahovića.

MZ je predala zahtjev za dobijanje građevinske dozvole. U dokumentaciji gdje je proces vodila MZ, u dokumentaciji za dobijanje građevinske dozvole fali separatno elaborat protivpožarne zaštite. Rekao sam danas gospodinu Hajrulahoviću da to prevaziđemo na bilo koji način, hoćel se Općina uključiti i to riješiti pa da što prije dođemo do građevinske dozvole i znate da smo u planu kapitalnih investicija planirali 25.000 KM početnih za izgradnju. Da ove godine raspišemo tender za tih 25.000 KM i da uradimo što možemo sa tih 25.000 KM. Za iduću ćemo godinu vidjeti dalje.

- Gospodin Fermić je pitao sanacija udarnih rupa i ja sam primjeti nekoliko vrlo loših, loše pozicioniranih a ima i ulica nije dakle završeno. U toku je završetak procedure oko potpisivanja novog ugovora. Čim bude potpisan, izvršit ćemo sanaciju jer ne daj bože da čekamo iduću sezonu, bit će ih svakako i bez ovih koje sad zakrpimo bit će ih na pojedinim ulicama, zato što su dugo godina krpljene, nije sanirano sistemski da riješimo 50 metara pa da znamo da tu više nema u narednih deset godina. Riješit ćemo onoliko koliko možemo.

- Gospodin Lokmić je pomenuo za vibracije objekata pored puta M-17 u zoni Jelovca, mi ćemo proslijediti ovo Direkciji cesta koja je odgovorna. Inače, tražim jedan sastanak u vezi projekata koji su iz domena Direkcije cesta koje se odnose na općinu Maglaj, pa ćemo pomenuti i ovaj problem i ne samo to, čini mi se da tamo ima dosta veći nagib u zoni semafora nego što je prije bio. Sad kiše kad padaju, ondje je pravo jezero. Prema informacijama koje smo neki dan dobili, trebali bi to početi rješavati, tako da ćemo vidjeti kako ćemo to riješiti.

- Spajanje sa sporednom cestom što je pitala gospoda Herceg. Provjerit ćemo šta je s tim, to je nadležnost Direkcije cesta, a provjerit ćemo pogotovo što je tamo slaba vidljivost i kakav je priključak. Da na neki način povećamo sigurnost saobraćaja.

30. sjednica Općinskog vijeća završena u 12,40 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



DOPREDSJEDAVAJUĆI
Hajrudin Fermić